

勿斋先生文集

杨至质

文硕阁

wenshuoge.com

目录

关于我们	3
标点本	5
勿斋先生文集卷上	6
勿斋先生文集卷下	17
四库本	26
提要	27
勿斋集卷上	28
勿斋集卷下	38

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望可以帮助有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

标点本

勿斋先生文集卷上

勅赐高士右衞鉴义主管教门公事合皂山杨至质撰

太一宫清心斋谢陈提举

茅洞烟深，繆执住山之斧，竹宫天近，忽颁赴陇之书，姓名误彻於冕流，行辈辄先於冠褐。窃惟祠严太一，是谓贵神，星应少微，故名高士。当建绍乾淳之际，多巢由园绮之臣，召对禁中，每谈经而论道，放还物外，且锡号以赐书。比年以来，此事俱废。何者蹊趋而径入，甚於车载而斗量，一洗而凡马空，咸服明公之能断，数行而彩凤诏，庶有异人之肯来。如某者平凡无奇，孤洁自守，结习偶随於笔砚，踪迹遂遍於江湖，名山大川，所到领揽，诸老先辈，于时从游，间结屋以聚书，将息阴而休影，滥修烟霞之长，悦惊岁月之侵，二十年。不入修门，果能此道，五千言束之高阁，未丧斯文。俄有命，以自天俾，陈力而就列，即清夜藜灯之地，扫积年铺席之尘，毋若宋人然，借日熏蕕之殊器，犹吾崔子也。或疑虎鼠之同宫，修文辅教。苟效寸长，归美报上，庶伸素志，终愧荒唐之学，难训希阔之恩。兹盖恭遇某性稟高明，躬持温恪，圣经贤传，汇玉海於胸中，秀句英词，粲锦囊於笔底，书画诣锺王之妙，谈锋透老释之微。公余萧散於园池，客至从容於诗酒，如其颖拔，乐以甄收。某感佩隆私，激昂晚节，仰祝圣人之寿，常瞻太尉之尊。十事囊封，切慕爱君之种放，三书袖入，仍希望阙之嵩高，稍别庸流，式训异遇。

代失仪降官谢丞相

搢屏弗恭，愆仪九陛，糾弹曰可贬秩一阶，戴皇慈宽大之恩，繇庙论优容之赐，合诛而贷，识感于惭。某尘翳性天，津迷学海，半世徒劳於韦布，一官窃荫於簪绅，爱子教之以忠，仅守过庭之训，事君犯而无隐，永怀恋阙之诚。自祇役於简书，每饰躬於冰蘖，专湖学制开边，粗给於军需，兰渚负丞摄郡，尝被於荒政，荐叨列剡，重累洪钧，分符服领以南，矫首泰阶之下，问民疾苦，安得中和，以作诗歌。藉国威灵，所幸丰登而少公事。璧苟全於细满，玉爱食於长安，负展当阳，方披奏牒，坠笏于地，遽失朝仪。初非天之违颜，若有物以掣肘。碎牙俯拾，敢希前辈之高风，挂颊游观，空羨西山之爽气，槐绿之羞莫掩，薪粲之刑曷逃，负芒以还，席稿而待。议从忠厚，第削籍於宜敖，施及颠脐，尚寓形於块圯，头颅自省，骨肉知归。兹盖恭遇，某咸一德以享天，兼三王而施事。声色不动，作成击泚之精忠；名德相望，保用问暮之故物。因侍邃严之燕，曲陈末减之条，全此微踪，真之薄罚。某敢不铭藏厚德，辙戒前非，加恐惧以修身，期周旋之中礼。抽手版付，丞相休闲，敢负於明时；奉介圭觐，我玉入对，或存於他日。其为摧谢，罔既敷刊。

代贺丞相除太傅

恭审 制大廷，报功真宰，帝怡愉而奉太后，载加册玉之称，公燮理以备周官，爰正面槐之席。事光典礼，庆浹臣工。兹盖恭遇，某柱石壮材，蓍龟先见。五百岁孕灵於海岳，二十年宅揆於庙堂。拥昭立宣，不动色而安天下；平淮缚蔡，当戮力而复中原。精里既肇於南郊，介福聿臻於王母，集搢绅而归美，写琬琰以成章。法驾束朝，肃领皇仪之盛；玉音中出，诞跻公傅之荣。辕田并衍於膏腴，鼎路益隆於体貌。坐而论道，对不呼名。作宋一经，见圣君而贤相；封齐四履，伫异姓以真王。某托命大钧，劳心小邑，捧黄麻而欲舞，望赤舄以无阶。峙刍茭，峙模粮，方备演池之盗；作盥梅，作麴蘖，永同岩石之瞻。

兼领旌德观都监谢京尹赵节斋与□

归寻杞菊，拟乞闲身，领檻湖山，乃兼秘宇。虽大府体召搏之意，恐先贤怀拜信之疑。窃惟观以道，名境随人重。知章有学，始专鉴曲之烟波；清老能诗，故奉金陵之香火。倘酒瓮饭囊之辈，徒斋钟粥鼓之羞。伏念某略带书痴，未除剑气，一壑足安於晚节，十斋再入於旧巢。乏嵩高平贼之书，漫云诣阙无蓑衣通神之术，敢望筑宫。片文只字屡送上方，败屋颓墙如在传舍。公即清心而怜客，吏言旌德之缺人，疏檄宠颁缙觥俱至，以高士为主簿。或议乔木之下莺，从天子作门生，焉用小儿之弃马。维弘景居山，三营别馆。而尧夫在洛，十置行窝，使学徒有所指归，与耆旧相为款密。至若现白鹤者按行於林屋，袖青蛇者飞过於洞庭，何得拘挛等是游戏。为节斋一出不恶，向长堤独步亦佳。兹盖某堂堂乎汉宗英，绰绰然京兆尹。大而笔橐补衮职之阙，细而薪米得都人之欢，间小队以行春，正新亭之出日，问坡仙之何在，周旋靖白於一堂，唤弥明於此来，管领侯刘之二子，山判不移於请嘱，玉音特许其往还。某敢不强赋梅花，剩栽杨柳，环数十里皆水，洗清坐客之俗尘。后三百年，有人增入黄图之新志。

谢运使江古心万里请住玉隆

两街应制，窃依华杖之光；十国出符，俾辖锦帷之众。溢荣褒於疏请，借壮观於斋居。试言道家之大山，莫若旌阳之故宅。冠袍所聚之地，领袖必得其人。过者垂涎，多买游谈之颊舌，从而染指，谁惜常住之眼珠。此曹自轻，吾道几坠。伏念某江湖漂泊，木石冥顽，未能茹商皓之芝，固尝护许君之柏。因元戎枉驾，以戾止为同列，争席而翩然，识面目於山中，屡作天宝翠岩之梦，送头皮於官裹，误陪甘泉泰畤之祠。因内醮以进诗，辱上恩而润笔，俯加训谕，未许言归。望闾公都督之檐，政惭素昧，设徐孺高士之榻，忽传好音。熊鱼虽欲而莫兼，猿鹤殆惊而且怨。兹盖伏遇某名高日月，威振风霜。访六一翁拢冈之居，登进郡最，创二十士鹭洲之学，作成人才。荐移青丝玉节之华，并领画棟朱帘之胜。爰披图而问俗，信拔宅以飞仙。颇闻腾胜之区，久缺焚修之长。群鸦争鼠已在吾目，独鹤昂鸡孰当人心。左浮丘，右洪崖，百闻不如一见；近皇甫，远居易，三占则从二言。某何德以堪，不求而得。价非高於少室，身难出於长安，舍己事以勤馆人。申诵他日从公之语，趁霜天

而收柿栗，空吟昨宵梦母之诗，未先桑榆，尚可桃李。

谢何漕卿请住玉隆不赴

怀归得告，暂离蕊殿之班，领众修真，荐辱星台之命。属愆期而卧疾，方露奏以祈闲。玉音未俞，鼎语奚答。睠游帷之福地，虚辖席者许时，岂都仙之灵在天，故悠悠而弄印。盖大府之明如日，不草草以卑人，破猜然投骨之争。俟角者为麟之出，果孚舆论，必费冥搜。如某者厌江湖而知休，甘草木以俱腐。三年去国，误叨命召之荣，十载住山，自笑身谋之掘。繇刚肠而嫉恶，第洗手以奉公。囊钱虽慳，户屨粗满。前使者从而过听，今明公何所取材。置驿传书，示军将打门之喜，送州津路，移太守劝驾之勤。维名称尚隶於帝旁，恐职业难共於戏下。两征不起，初非少室之山人，一榻纵悬，定有南州之高士。允副权衡之选，庶新钟鼓之声。兹盖仇遇某为儒者宗，真宰相器，当乘轺而问俗，亟植纛以临民。令下棘围，无纤哗於战蚁，手摩铁柱，有大造於屠蛟。遥瞻井柏之阴森，慨惜香花之牢落。孰为主宰，谋及国人，忘虎符龙节之尊，加鹤氅鹿冠之礼。某居怜薄命，仰负盛心。黑笠垂云，阻访洪崖之旧，朱帘卷雨，尚从滕阁之游。公如遽归，仆则退听。

谢郡守潘户部减余

乌绦谒郡，敢晞货药之仙，白粲送仓，特损敷苗之余。即福地洞天而区别，俾斋钟粥鼓以交鸣。一饭知恩，双坛齐寿。尝考合皂授田之籍，失於绍兴经界之时。南曰阳，北曰阴，沃壤咸归於富室；高不旱，下不水，丰年粗给於常堂。会祠牒之日廉，致食单之云集。朝廷初行储蓄之令，官吏争持操切之权。违累圣勅，旨而弗蠲，与三邑编□而均配，攫财犹肉，拣粒如珠，忍令田里之怨嗟，皇恤山林之饥饿。某滥居官辖，合转食轮，因众口之嗷嗷，动我心之戚戚。既乏鬼兵之运粟，真愁县令之破家。期儿童迎细侯除道，幸先於紫马定舍馆。见长者入城，爰跨於青骝，冒陈千一之愚，乐杀什三之数，文移庾氏，宛同鲁肃之指困，惠及山人，不费真卿之作帖，所持者狭，其说无疆。兹盖恭遇某秀出坤维，望高乾桌，一命落瞿唐之棹，十年参文石之靴。有宅占水精宫中，自适其适，无书至光范门下，时行则行。乃剖汉符，远临萧渚。谓吾年五十，姑守兹土，然岁余十万，几倍他州，推赤子内沟中，莫救前人之失，祭名山在境内，务令广众之安於招徕补发之间，示委曲代输之意。某敢不谨持杓柄，仍卜灯花，饭颗瘦生，戴笠已怜於杜甫，酒材春乏，卧楼更念於洪崖。忘其在陈，辄尔望蜀。

谢句容王宰断刺盗柏贼

山木千章，素严樵禁，宫墙数仞，辄入偷儿。斧痕几类於乾陵，公事遂干於偃室。极惩不贷，厚德何穷。窃惟王母桃红，儿三尝而啖帝，董君杏熟，虎四出以啄人。神仙幻化，固未易窃，寇窃侵渔，且不能免，而况槎居海上，驾乘或犯於斗牛；桂

在月中，斩伐犹惊於蟾兔。吏徙武昌门西之柳，童抱杜陵屋上之茅。谁无六根，天亦五贼。伏念某液满曷用，盘错非长，许柏葛杉，俱曾洒扫，交梨火枣，久自栽培。来从句曲之三茅，拟种玄都之千树。月明有鹤，方吟峰顶之松，涧响无人，俄失庭前之柏。虽异乎四十围之溜雨，本望其八千岁以为秋。不堪鼠辈之欺，爰出羽流之嚇。慢藏诲盗，非无锁於洞门，悉上送官，蒙亟囚之狱户。一辞毋隐，五听兼详，幸未烂於樵柯，仅半存於隍鹿。见豕遇雨吉，庆宽邻里之呼，荷校灭耳凶，俾按市朝之挞。山贼寒心於路侧，树精快意於城南。匪贤令尹哀丁丁之声，则群不逞将旦旦而伐。兹盖恭遇某名香仙籍，家近旃林，苗裔三槐，待擎天而作柱，襟期五柳，试满县以栽花。爱人材於拱把之微，恐山林有童颠之丑。磔此穿墉之鼠，妙於食豆之鸡，未论桧顶之升仙，足使桐乡之爱我。某守株知繆，采藿怀惭，期尽剖於藩篱，怕愈加於刀锯。召贼曹呼五百，已□赤县之恩，效隐者答羌夷，尚奋嵩高之勇。莫如自治，不在多言。

谢县宰免伐墓樟

墓木拱矣，诸孙均霜露之怀。匠石过之，令尹赦斧斤之厄。阖宗感涕，行路賸嗟。盖闻宰有民人一县，常夸於桃李。谁无父祖九原，谨护於松楸。故法垂穿心禁步之条，而礼着为室斩丘之戒。睠言冷族，居旁先茔，墦间之祭，序以衣冠，相承累世。江边之树，状如车盖，其大十围，阴阳家谓荫益之宜，子侄辈起科名之望。适呆弟呼卢而罔利，致贪夫狙佞以献官。人亡书存，操二十七年之白契。神出鬼没，输一万千数之青铜。叵堪刻木之舞文，直为老樟而买命。松因丹活，纵挈吕仙之墨篮。荔以姬完，尽带黄巢之剑迹。兹盖恭遇某英标耸壑，定力擎天，明堂梁棟有待於相材，岩邑丝桐聊寻於宝气。市生柴，炊尘饭，初不与百姓交。听大风，败重门，何以令众庶见。爰求巨橦，载立崇闕，庸新万目之观，岂吝千金之费。某亭之堵可祭也，固莫逃黄霸之神。吾子於虎又死焉，决不堕泰山之猛。桃且栽而未去，桂虽斫而无痕。苟非当家，孰锡尔类。某藤萝息梦，葛藟知元，思召伯於甘棠之阴，遗爱敢忘於勿翦。画道士於枯木之下，深根庶保於长生。

谢郡守王监簿

传食侯门，归休已晚，充负主席，董率何堪。捧郡檄以知渐，筵公墀而言谢。尝闻山川以人而轻重，钟鼓随时而盛衰。维张、葛双坛，记寰宇之福地，有陈、黄二士，列政和之道官，后先领袖以俱贤，内外规模而毕备。夫何近世顿异前修，顽嚚之恶滔天，清静之风扫地。况秋田之绝穗，致午甑之生尘。巾钵如云，政张颐而待哺。犁鋤得雨，须乞余以贍耕。仓苗未了於半输，县税早行於预借。负道山积，宿蠹根深，必表裏练达之人，办上下煎熬之事。如某者稟资苦薄，识字无奇，因浪走於四方，偶从游於诸老，拄杖探桂林之洞，推蓬读浯水之碑。八月观潮，屡倚楼於江下。三更谍虏，尝草檄於淮南。谒海陵神爷之居，醉采石谪仙之墓。骑驴而访赵叟，招鹤而谒西山，泝清涨而登郁孤，攀赤城而眺桐栢。舟泛鉴湖之月，觴流曲水之

波。卧念平生，辙几环於天下。来归故隐，屋方就於云边。编排满架之官书，布置绕墙之仙药。自甘终老，无复他求。诚知桂馆竹宫，当峽京阙，亦有石坛花院，错落衮乡。由来天上无愚懵仙，焉用世间不唧口汉。彼以爵而吾义，人皆醉而我醒。忽纸卷之探名，上之官府，辱笔头之加点，付以家山。固贪青眼之荣，奈破白身之戒。甫涓辰而隶役，时拊已以扞裹。学问未充，曷扶持於风教，林猷不敏，定败缺於公私。非惟作祀菊之羞，又将为桃李之玷。兹盖恭遇某名高黄甲，班在紫宸，别驾鐔津，威镇千村之狐兔，专城潇渚，化行三邑之豚鱼。人妖首破於点胥，女魃适罹於旱岁。爱民如子，移粟於河。振贷而活青州，亲见富公之阴德。吐握而延白屋，尤推姬旦之盛心。故虽山林下人，亦或俎豆间物，玄裳者鹤，误墨而蝇。某敢不并缘诗书，湔祓泉石，庶几我静而民正，万一老安而少怀，富寿多男，从华封而祝帝，中和乐职，效益部以歌襄。恐趣归列宿之行，使遽失二天之托。其於依戴，罔既铺陈。

回临江赵倅

一鹤玄裳，甫覩泥轼，双鱼尺素，忽到岩扉。粲盈幅以成文，坠多仪而为贶。诵藏无斲，感耀俱探。尝谓高尚者不事王侯，神仙者间游尘市。隐图南於华顶，贵客自来，现洞宾於岳阳，时人不识。若夫住山应世，出郭呈身，平生所丧已多，一见安得如故。比承某题舆荣，上还骑缤前。臣非黄冠师，敢废郊迎之礼，公下白屋士，获贍山立之标。小诗蚓窍而蝇声，归梦鹿眠而鹇挂。诂期专介，宠俾芳函，刻赞心经刻箴夜气，信共西山之臭味，授笔授墨，焉解子云之覃思。织蕉轻过於五铢，酿桂香醴於一榼。监州有馈，行路皆惊。某倦客江湖，滥尸泉石，幸依刘於此地，知说项者何人。文士中朝，谁兴怀於羽褐，樵夫前路，果乘暇於青鞋。祇候按行，庶几倾倒。文士、樵鞋皆来札中语。

近郡守章吏部

银菟宅牧，重境内之名山，竹马迎新，唤云间之孤鹤。除道审买臣之至，候关移尹喜之恭。睹以争先，礼云贺上。敬惟某名垂宇宙，学贯天人，祖笏父衣，雁塔联题於数世，卿珪从橐，龙门独擅於一时。帝曰象贤，官为博士。晋编摩於宥府，参综核於铨曹。因朴被以退朝，乃剖符而更治。画锦略荣於沈井，晓帆恰涨於萧滩。五马不受二毛，方当壮岁，两刘以及三孔，亲挹遗风。坐令安静之化行，伫见中和之诗作。然念斯民之困，仅书去载之丰，敷上产以随苗，几竭稻粱於南亩。指清江而索楮类，寻杜若於芳洲。旧新之券俱轻，公私之蓄咸匱。不有鞭霆之手，曷施活国之方。环笔一双，首转移於风俗，去天尺五，亟选表於公卿。伏念某逃儒自初，进道不敏，未办九还之鼎，浪升诸老之堂，油幕从军檄，尝供於盾墨，金门应制杖，仍照於藜灯。幸得请而号最闲，合掩关而作高卧。误徇家山之众，荐登主席之虚。由外侮以阅墙，忍旁观而缩手。吾何爱此帙，使君实重於挽留，人或弯其弓，儿辈辄从而倾軋。望旗旄之戾止，信衡鉴之瞭然。入岳阳，谒子京，非敢眩瓢中之药。

如全椒，遇应物，庶容拾涧底之薪。赞倚兼压，铺刊罔既。

上提刑萧大着

闻公子之名有日矣，方图上谒於霜台，谓处士之庐无人焉，颇觉包羞於云壑。亟裁短贽，仰渎严威。盖闻君子小人有同牛骥，深山大泽实生龙蛇，虽物情什伯之不齐，岂书策二三之无取。贤如灭明，必不至於偃之室，学如子路，亦奚为於丘之门。皇华兹贲於林塘，王气倍添於草木。神仙弗远，但消金锁之掣开，车马曾看，未必芦花之深入。畏摆襪向人之热，笑敲推冲尹之狂。刺字纵漫，吾舌尽在。忽睹析屋五花之判，几令教门一叶之轻。彼雀角鼠牙，听讼固烦於召伯，若龙头豕腹，联诗宁乏於弥明。不胜懵然与语之惭，殆有招之使来之意。恭惟某儒宗学博，王佐才高，绍唐室之相家，珣将及邁，比汉朝之人杰，吾不如何。既跻蓬山清切之联，宜掌薇省雄严之制。出节肯临於广部，发仓全活於饥氓。就着绣衣，闲登席帽，翔而后集，授代之举甚高，死者复生，平反之德滋洽。诏暑囚而亲录，言夙驾以周諏。二使星明身俯趋於宝墀，五原雨足手倒挽於银河。毋庸泝惶恐之滩，当徑侍通明之殿。某谋身素拙，於道无闻，传食四方，不作蝇营而狗苟，归休一壑，可堪鹤怨以猿惊。正抖擞於尘编，且摩挲於丹灶。坚柴局而麾俗客，抱瓦缶以杂畦丁。薄闻揽轡以按行，莫敢曳裾而造请。春秋之贬，猥及其类，左右之容，孰为之先。异三子者，言点也，倘蒙於殊顾。扣两端而竭鄙夫，恐坐於同科。为客解嘲，岂予好辩。

辞岳漕

使臣饗有光，将大转木牛之粟，先生饭不足，缘新移玉女之厨。尝闻先之齐家，果於此乎观政，其嗟可去，恶得无辞。某维其欠负郭二顷田，不自乐陋巷一簞食，故起单於千里，遂传食於诸侯。门外东方，何曾饱死，山头杜甫，元自瘦生。备尝残杯冷炙之悲辛，已决早韭晚菘之归计。公由中而补外，客驱去而复还。椎鼓击鲜或诧逢辰之有幸，张颐待哺焉知过午而未餐。以涂民之耳目，为令太苛，倘累人以口腹，於礼孰重。借令束十围蔑，亦能插几张匙。忍听无天殷殷之雷，笑玩行地亭亭之日。不起笔吏，谁哀王孙。既豆羹得则生，虽草具易为食。果念及门东之索，礼貌有亏，第诰诸灶下之炊，司存自谨。岂期鞭扑，反逮輿台。纵投鼠何忌之云，然打鸭之惊莫甚。酒不及而公荣无恚，犹别亲疏。醴忘设则穆生竟行，当明去就。若尚怀恋豆之念，是愈负伐檀之讥。恭惟某稟天英灵，有祖风烈，为肥甘自足於口，每苦乐快同乎人。犒油幢百万之兵，曾趋涟水，养珠履三千之客，未逊春申。偶然忘由己之饥，非不推食我之食。曲行惩戒，犹示等差，与其委琐琐细故以挠人，何患无磊磊奇士以赴我。请从此逝，幸听其归，因黄梁而悟梦魂，休说邯鄲之富贵，有青精以好颜色，别为梁宋之遨游。怀刺在庭，结装问路。

回太一吴都监

太一灯明，滥陪诸老，苏公堤近，因就三贤。得之聊当於行窝，议者或讥於幽谷。伏承某法参晋猛，诗续唐均，降膝六於中宵，恩荣象笏，挈郁仪於左手，光溢乌轮，不惟精祷祠之书，抑且造修炼之妙。方赓酬而相乐，念离合之有时。华以大篇，介之多馈，旁出固惭於兔窟，暮归尚借於燕巢。唤真人莲叶之舟，可能访我，续处士梅花之句，定合输君。感在心藏，谢容面尽。

右街鉴义谢提举

身返斋居，仅循故步，礼成宫谢，乃俾初街。信名器不可假人，顾富贵何有於我。弗容还勅，殊觉厚颜。伏念某苦无伎能，颇有气性，清心独处，难求师友之亲，白首重来，不废君臣之义。好赐迭颁於箱篚，文词每达於冕旒。未报主恩，幸逢宗祀，万花簇驾，获观天仗之仪，一札降廷，忽预道官之选。论知事则米盐任责，较法师则符水通灵。谁谓柴愚，俨同吟伍。兹盖某事上畏谨，如道慈悲，怜千里之远来，头衔未改，忍一夫之独泣，脚迹同升。昔闻经略之大师，今见焚修之高士。某臂枯欲脱，囊涩休看，非钱不行，兔上贴麻之请，有书可读，但顾乞骸而归。

太一宫宫主谢提举

心清事简，谨守斋规，恩重望轻，躋参宫务，虽奏言之神速，奈材具之荒疏。窃惟贵神所宅，甲於御前，道家者流，仰之天上。夫何近岁颇异前闻，非惠非庄，莫识濠梁之趣。若臧若谷，俱为博塞之游。读《黄庭》者误字固多，点《周易》者研朱能几。习达挑於市井，孤涵养於朝廷，欲挽颓波，必资定力。如某者，知身有患，於世无营，既朴被以还乡，复招旌而赴阙，舍近取远，争看御笔之新除，辞尊居卑，但保青毡之旧物，效簞瓢於陋巷，忆笋蕨於春山，倍费弥纶，使填领袖，与人而问所欲，掉头即控於牢词。知我者谓何求，覲面乞承於宠渥。曷出诸君之右，辄居方丈之西，因闲就冗，已失本心，欲去翻留，真成繆计。兹盖某典刑前辈，骨相臞仙。丹暖三田，不服少年之药，香凝一室，闲看平旦之经。佩彤弓狐矢以事君，禱桂馆竹宫而保国。凡依栖之羽服，均披拂之春风。某敢不洗手奉公，直躬率下，少课焚修之报，益权进退之宜。信今日之受非，难逆大君之命，期来年然后已，幸容处士之归。

谢徐叔宽见访

解陈蕃之榻，夙慕当家，访子云之亭，忽临吾地。惜定交之不蚤，辱委贄以甚勤。伏惟某双剑产灵，五车饱读，体物浏亮，每叉手而赋成，传风扶摇，叹摘髭之第晚。鼓篋熟齏盐之味，担簦揽山川之奇。穷当益坚，威不能屈。曰恭宽信敏惠兄弟以此五字为字，聊相对於紫荆。从贤能俊秀升，即齐攀於丹桂。某岩栖且老，户谁来，捧骈俪之大篇，识清修之客。杨氏为我，谅无拔毛利天下之讥，徐卿生儿，申诵回头惊宾客之句。永歌不足，小住为佳。

回邹元叔谢给饭牌

劝棗及山，方随苗於上产，给符自庠，乃继饭於先生。非惟见怜客之心，盖亦示隆师之意。行供已久，言谢何迟。恭惟某富有纸田，亲传书种，怕入长安而炊桂，肯从合皂以饭蔬。诸弟子事兹有年，或笑从徒而安坐，大丈夫不能自食，雅应进食以疗饥。虽殊孟子之养鍾，庸免颜回之执爨。将军未老，从者皆兴。此日一簞匙漫抄於云子，他年五鼎拌定进於宾郎。某夙负素困，偶开旧店，嗟吾山之豆落，羨君谷之黍生。母嗜铛焦归，遂承颜之乐，兄因釜頔母，貽紵臂之嫌。去榻即悬，新条犹在。

回茅山白云观林管辖

悬榻重来，羞见堂前之青草，緘书远至，曾分岭上之白云。当暑读之，有风清甚。恭惟某蚤脱逢掖，勇求还丹，发言为诗类，不食烟火语，得时行道间，亦结粥饭缘。偶然值大兵而凶年，聊尔依阿姊於明月。伫膺一札，入践两街。某年华向凋，世味俱薄，断送未甘於官裏，游戏只在乎人间。我自倒行，徒识子云之字，君如哂笑，同寻和靖之梅。

回周子鲁催诗

比承风驭，肯顾云扃，接尘尾之谈，信无虚士，示牛腰之轴，云是巨公。荐贻偶俪之緘，猥索平凡之句。方乞为寒水玉，何以报绿绮琴。诗三百虽多奚为，徒累洪压、葛稚之仆。母七十相依为命，缅怀嵩高、柿栗之居。深惭短章，莫究盛事。击唾壶而略读，覆酱瓶以无疑。

回雷应雷

归闲一壑为去国之外臣，投贄两章有扣门之热客。问其甲子，生以庚辰，正老泉读书之年，亦康节望儿之岁。高吟不让，远到何疑。谓童子出视之，试验雷琴之清浊，与先生并行也，少须霞佩之颀颀。

回王秀才谢会

袖诗过我，方嗟识面之迟，樽酒延宾，乃告堕肱之厄。维名山非容易可到，幸佳客肯联翩而来。本期衡岳之云开，不料石头之路滑。盖文章类脱腕之敏，而官职有折臂之祥。偏袒而露右肩，想费良医之涂抹，持螯而用左手，还容老子之周旋。

回曾道士求挂搭

三书诣阙，焉用诗囊，六验归堂，合呈饭钞。纵使无心而出岫，岂应空手以入山。旧识虽多，清规难案。学行脚去，恐遭同舍之雕，取告身来，便驻横江之鹤。愿文为惠，佩意良勤。

回赵签判送管辖帖

息争优老，拟变前规，求退得迁，甚非本志。画幙重千金之享，打门惊双壁之投。古杉欲摇，顽石亦骇。念鸟飞之久倦，况鼃技以俱穷。三叉路口已悔迷涂，百尺竿头焉能进步。无阿堵物从而回买，非军资库可以寄留。拆洛阳耆旧之书，幸察尧夫之非傲，谢乡里小儿之米，容教靖节之早归。略具禀酬，切祈矜体。

回聂秀才

缁褐还乡，窃衣夜行之锦，珠玑掷地，谁书昼卧之裙。偶飞梦以游仙，遂愆仪於肃客。伏惟某名居天北，誉振湖南。秀才三耳，忆昔过从，观音千手，失今留挽，莫遂樽酒论文之款，徒深屋梁落月之怀。冠履袈裟，俟他时之和会，靴袍手版，勉即日之荣登。

回张副宫贺封额

鬼蚁混并，缪作双坛之长，仙龙幸会，并疏九陛之恩，未论吾教之有人，聊补此山之缺典。伏承某应酬局熟，佐使功深，诣阙休上书，期挽河而洗甲，坐石时得句，甘捧钵以抄云，铺张大篇，光耀老眼。某无他私意，利我公家。紫诰黄麻，偶成勋於一旦，素书青策，犹借誉於诸方。

回陈管辖

某松篁岁晚，胶漆年多。击竹而和踏歌，高寻仙侣，眠云而谢丹诏，远振祖风。杂旗锣迎导之声，惠金石铿锵之句。某发俱雪矣，笔匪椽如。老马为驹，殊悔六州之错，后人收果，尽多九府之圜。

回黄讲师

某良心止水，讲舌生风，读易而至得妻，窃鄙屠蛟之壻，入山而遇顽石，亲见牧羊之兄。吟诗七言，夸我二美。某名随谤得，事以志成。帝命维新，辱权衡於杨子，祖风可振，勉衣钵於谭君。

回王监宫

某栖心造道，余事谈兵。续孤鹜落霞之文，身惯游於南浦，授七星斩邪之剑，派亲接於癡堂。喜旷典之秩神，赋新篇而遗我。某偶然集事，久矣妨贤。张后二王，曷发才难之叹，军中一范，尚观战胜之功。

再领官事回陈溪山

太一天贵神，揖别竹宫之香火，青毡吾旧物，唤醒葛岫之烟霞。群讥驱去而复还，谁识放行而把住。过勤胶漆之友，宠惠珠玑之篇。路摧车峡覆舟，固人心之难料。水断蛟陆剗革，惟吾力之犹能。毋袖手以旁观，庶开诚而忠告。

代上赵宪催春削

绣衣立霄汉之春，发生有日，宝塔合浮图之颖，望赐如天。荐驰不腆之辞，拱听惟新之令。窃考选曹之立法，最严宪节之举贤。几州几吏率系於部封，一狱一讼审观其职业。纵圆众剡，必出我门。舐淮南鸿宝之丹，孰无炙色，得季布黄金之诺，谅不食言。重念某学浅过庭，材非人模，惟简书之是畏，幸齿发之方强。能勿劳乎，未了痴儿之事，与其进也，甚知丈人之真。当迎候於轻輶，即褒存於敝帚。察九仞之泉於弃井，约斗升之水於西江。辰来何迟，祇俟孟春之徇铎，仕如此急，或虞半夜之负舟。忘喋喋之数穷，申拳拳之三请。恭惟某间平闻望，伊洛渊源，用谋王断国之规，任明刑折狱之寄，周原从而历按，□石为之安留。倚长剑於崆峒之颠，鼠子帖服，悬明镜於方皋之目，马群遂空。繇其许可之不轻，是以搜罗而殆徧。某辱居属籍，愿列师门。譬传神政在阿堵之中，如插羽则便扶摇而上。先宗盟而后异姓，维大造之有成。待国土而报众人，非小生之所敢。归依至切，敷控奚殫。

代干制帅史尚书荐举

拥帅幢，开制阃，大江均戴於使天，攀相袞，叙年家，小草辄投於恩地。顾下寮之尘土，仰荧座之星辰。忘其等威，控此悃恼。窃考累朝龙虎之榜，号多士则有之，若求两家鸿雁之行，俱三人者鲜矣。鼎立临江之孔，台联番水之洪，从夸竞秀之荣，谁笃同登之契。维先君而二父，托端殿之一门。半刺史携客而上郁孤，最崇交於绣幙。今丞相省亲而道湓浦，特枉顾於缙屏。书云情犹兄弟而姓不同，意者施及子孙而恩罔替。然骨骼龙猪之别，故飞翺鹏鷃之殊。可言而言，谓进则进。伏念某斗筲何算，寸线无长，锁应厕名仅取踏槐之效，棘围还试尚希赐笏之传。偶遗濡之沾濡，即微官而束缚。读荆国临川之集，访萧洲文选之楼。贵人欲出我门，猥蒙推挽，痴儿待了公事，靡憚勤劳。拳拳食蘗以饮冰，望望腹丹而涂墍。在脱选莫难於职剡，而乞灵尝扣於采庭。躬洒报亟，慨垂重诺。捧崇垣之疾置，增陋廨之荣光。与其挟刘公之书熏蕕同器，孰若致伯鱼之问桃李成蹊。庶因万石之澣裙，乐以千金而享帚。恭惟某稟於天者浑厚，辅以学而高明。身在沙堤，习见凤池之衣钵，量阔溟海，平吞蜃气之楼台。十年不出於长安，八座峻跻於冢宰。属边头之多燧，宜江面

之无波。用铺敦淮瀆之规模，移弹压輶轂之手段。旨麾羽扇，布置楼船，军声大振於柳营，虏众悉潜於草地。宽九重之忧顾，赞百揆之畴庸。父爱之子亦爱之，奇士夙延於东阁。主贤者客必贤者，愚人或取於西家。某托门墙僭泝其鼠肝，类弹者冒求於鶡炙。愿损有余之惠，曲矜不肖之孤。卑簣土以成山，免仞泉而弃井。生匠石之园，长伯乐之属。奚俯仰於他人，侍公休之屡拜。温国之堂誓，依归於此世。稍图植立，庸答钧陶。

回王监宫贺宣召

处士归山，仍居宰席。使人赴陇，促返斋庐。升辂犹骰子之选官，诣阙类胡孙之入袋。偶然洗幽谷之耻，或者兴捷径之嘲。宠诒诗篇，极佩友谊。方移庭而勒俗驾，敢犯座而应客星。较八斗一石之才，言语浪夸於子建，观九尺四寸之干，功名宜属於曹交。共载而东，当复于上。

勿斋先生文集卷上竟

勿斋先生文集卷下

勅赐高士右街鉴义主管

教门公事合皂山杨至质撰

代贴职宫观谢宰执久

闲田舍，敢晞堂察之招，再命着庭，讵遂祠官之请。职有华於寓直，禄且仰以资贫。感激上恩，控陈私谢。伏念某生居村僻，性禀平常，方隆师亲友之图，何致君泽民之有。粗偿邑债，仍负州丞。因多病以丐归，坐糜闲廩，当引年而未谢，真恋明时。圣皇躬揽以改元，善类同升而资治。访诸生之在否，冠八士以呼延。逊楮弗俞，除书频下。鹄鸿并集，许接武於道山，犬马既衰，难观光於天阙。历写由中之恳，果蒙从欲之仁。宠之东壁之图书，俾以中茅之香火。身不离於乡曲，名辄挂於班行。於公朝何所重轻，倍烦造化在老境。不翅满足，可谓遭逢。若集注之语言，竭平生之精力。金籀教子居家聊用於讲摩，竹简送官诏郡误蒙於宣取。预惭肤浅，无补光明。兹盖恭遇某名震华夷，功存社稷，亲拥虞渊之日，静排黄道之云，汤於伊尹学而臣，信格天之德懋，舜举皋陶选於众，见稽古之谟申。勤劳百废之鼎新，指顾庶僚之晋用。猥容衰朽，均忝荣光。某敢不思见太平，力延残景，拟圣主贤臣之颂，共黄童白叟之嬉。炙背虽暄，徒抱献君之志，挂冠已晚，嗣腾谢事之章。

代贺赵大资沿海制置

某恭审宸廷作命，制阃澄威。公衣锦以居乡，四辈趣朝於魏阙，士持戟而失伍，一言靖患於萧墙。海水无波，天颜有喜。恭惟某高明而杰特，沉厚而疏通，睨天下之英才孰出其右，运胸中之武库所向无前。江淮十年，旗鼓百战，指画断匈奴之臂，谈笑取郅支之头。大勋赫奕於旗常，静乐婆娑於泉石。时方多事，吾岂久闲。蜀国何茫然，起一琴於清猷，乡邻有斗者，惊三箭於将军。方按辔以拊循，亟投戈而罗拜。匪洛社公台有赖，疑潢池兵弄未休。吏皆趋庭，帝且前席。滟堆如象焉，用从东吴之船，渭水非熊亟，入运西枢之柄。息烽烟於边鄙，壮盘石於邦家。某江国晚生，天街未至，登龙门而未遂，运骊驾以何堪。连读绿绋，耸占紫气。晋公之貌孰似，庶谐道左之迎，大农之谷几何，庸上关中之计。其於庆倚，莫既编刊。

代贺制东安抚赵大资

某恭审青冥授钺，紫殿移珂，席之前贾谊所陈。缓朝九陛，陕以东周公是主，坐镇千岩，诞敷幕府之条，密送京师之福。恭惟某海山间气，宗社重臣，材气无双，不数眼中之余子，威名有赫，平吞塞北之匈奴。屏江蔽淮，井井其规模，足国强兵，斑斑乎勋业。偶作平泉之兴，闲寻洛社之图。王曰遄归，抚猿揉於剑阁，士而失伍

，戢螳狴於柳营。与其五月以渡泸，未若莫春而楔会。爰改纶於宸掖，乃植蠹於帝乡。宫殿天基，申景命万年之福，楼台云影，聚蓬莱三岛之仙。风流文物全属遨头，期会簿书不烦老手。稍奏保厘之绩，亟跻宥密之联。某缪听朝鸡，遂共流马，愧咨諏之何有，唯旷败之是虞。欣聆历吉以启藩，甚幸依邻而席芘。旗旄可望，药石攸资。陪元戎出野亭，徒想镜湖之集，观奇士留东阁，尚随辈路之尘。赞僊俱深，敷陈罔究。

代贺淮东总领兼镇江吴侍郎

某恭审抗旃领饷，持橐专城，印何累累，王人跨诸侯之序，鄂不韡韡，兄弟继冯君之歌。台府鼎新，衣冠甚盛。恭惟某紫垣魁宿，薄海 人，有天地，有君臣，造《大学》《中庸》之道，言文章，言政事，登承明侍从之班。妙年历历於清华，敏手恢恢於繁剧。天当平治，帝曰畴咨。二千石朱两轡，岂薄江东之道院，三十鍾致一斛，适多塞上之军屯。心灯相续於大苏，烽火不惊於细柳。以无双之材气，压第一之江山。兵食足，民信之，刀剑尽还於牛犢。戎狄和，国福也，干戈伫裹以虎皮。遄归紫橐之联，径陟黄扉之拜。某辈乌无补，蠹粟滋惭，温游北固之楼台，自笑东华之尘土。耸闻异数，敢叙同寅。天下称吴，窃晞踪於循吏，军中有范，仍拭目於肤公。赞扑居深，敷刊罔究。

代贺瀾西提刑魏少监

某恭审遴简笋班，分持綉节。曰甸服五百里，臣惟命之东西，谓国用三十年，楮与时而高下。临遣授变通之策，称提增举刺之权。星驾有行，泉流无壅。恭惟某襟期掀豁，风范温凝，迓事父，远事君，深雅颂四诗之教。上治内，下治外，洞军戎万里之情。彩纓历篷於鹄鸾，除器且专於兰锜。高折广寒之桂，载赓闻喜之诗。白玉为堂，演纶有待，黄金如土，救币莫前。小烦汉使之咨諏，立见周家之殷富。直天子图书之府，未隔清光，空庶人刑狱之牢，式符明指。亟被膝前之召，益崇肺附之亲。某畴昨侍朝，於今联治。历历游从之款，依依离索之怀。簸扬之枇糠在前，敢忆憩棠之旧。臭味也草木於我，毋忘海药之忠。赞系欲言，剪裁莫究。

代贺史侍郎知平江兼提举

某恭审疏荣魏阙，移镇吴门。荡节风生，继袞衣之先躅，雌堂昼永，赓画戟之清吟。台府并新，吏民交庆。恭惟某神姿凝粹，德寓恢洪。八叶名家，亲宝相门之笏，一经教子，密传道学之灯。方当文度居膝上之时，尽得陈平宰天下之说。论思益峻，培养加深。水断蛟，陆剗犀，出神锋於宝匣，前鞭鸾，后捶凤，骋逸驾於华涂。频分半竹之符，久报嘉禾之政。充仁心於父母，凜清操於冰霜。童子中和之歌转闻而上，公卿选表之用盍归乎来。帝念姑苏之民，地大扶风之郡。迎送疲於数易，抚摩庶其少苏。双旌启藩，万物吐气。摘山煮海不妨拜使者之厅，听履持衡即入侍玉

皇之案。某登畿最晚，诤阳何堪，梦欲断於朝鸡，技且穷於鼯鼠。幸光华之密迓，均荫赖之扶疏。同官为寮，敢附甘泉之法从，国士待我，定怜东阁之旧人。赞倚有怀，敷誉罔既。

代喜雪贺宰执

某伏以四时成岁，冬且至以生阳，一德享天，云亟同而雨雪。乾坤益瑞，海宇均欢。恭惟某密运大钧，力凝和气，考金禳之占野，闵铁甲之屯边。谓宿麦连云，欲仍驱於厉鬼，则飞花剪水，必严饰於玄冥。凑绣纹一线之添，庆瑶陛六翼之集。某缪共漕转，与睹休祥。嘉颖归周端叶丰年之梦，潜枚缚蔡嗣听捷昼之音。

代冬至节贺秀王

某伏以汉得天统历方衍於万年，冬亚岁朝阳果来於七日。伟盘宗之元老，庸川至之嘉祥。恭惟某德莹冰壶，望高璇柄。王曰叔父大开茅土之封，天与善人端介椿松之寿。对绣纹之添线，奉丝络之送珍。某问俗在原，庇寒知夏。木牛流马，曷被军纛之温，玉带垂鱼，祗仰御床之近。

代冬至贺平江史侍郎

某伏以凤阙书云，协缇赅而应候，虎丘擎雪，映麾节以生光。顺临刚长之辰，缤集大来之福。恭惟某清风肃吏，爱日宜民。东阁吟梅犹记调羹之味，紫宸鸣玉巍通候对之班。行矣赐环，从而问笏。某咨諏何补，芘覆居多。巷陌张灯，忆旧游於大府，殿庭称庆，迎新渥於修门。

代回庆元守贺冬

伏谓鲁观书云动赅灰而应候，鄞楼擎雪照葺纛以生光。顺临刚长之辰，缤集大来之福。恭惟某清风肃吏，爱日宜民，东阁梅开续冲寒於山意，西湖冰合怀倚月於栏干。伫颁黄霸之金。归佩紫宸之玉。某咨諏何补，芘覆居多。朝路随君，空忆琼瑶之迹，新堂领客，犹闻丝竹之音。赞仰有忱，敷刊罔究。

代回嘉兴守贺冬

伏以凤阙书云验微阳於玉管，鸳湖飞雪照瑞彩於牙旗。顺临刚长之辰，缤集大来之福。恭惟某半符易牧，今袴兴歌。近尺五之天，境因人而增重，占丈三之景，政与节以俱新。稍陈履袜之仪，归遂填帘之乐。巍登文石，密侍甘泉。某谫度无堪，芘依有素，华厅聒乐喜闻计气之回，异亩产禾更上丰年之奏。其於颂赞，罔究敷誉。

代临安倅章谢宰执伏

以岩邑字民，仅逃官谤，神皋列倅，遽忝恩除。惟地近而格高，愧人微而资浅。鸿钧所播，泥轼奚堪。窃谓天府之贰副，车号称小尹，钱塘之一都，会密拱大廷。置员或过於三厅，通决实关於庶务。盖弹压辇毂，以佐而长，非平分风月，以夸诸人。远若熙宁，坡老居於是席，近而嘉定，谏臣出於此徐。顾事任之不轻。必材能而后称。伏念某清苕晚进，小草微踪。插架书多，敢堕绮执之习，堆床笏少，居怀弓冶之羞。一同远试於瓯闽，三载偶沉於桴鼓。初无政最，何有言扬。全璧东归，爰索长安之米，扫门上谒，冒陈光范之书。纵治中六百石，犹阶而可升，如城南尺五天，则梦所不到。赖提挈之力大，蒙造化之功深。日往月来，毋多侍戎，朝发夕至，真是便家。非惟抚鹄鹄之原，得海孤而治葬，抑少憩鸡豚之社，容息蹇以磨铅。当此侥踰，若为报塞。兹盖恭遇某八荒开域，一柱擎天，萧也规，曹也随，历历奋庸而熙载。房之谋，杜之断，惓惓修政以攘夷。器名每谨於繁纓，人物率归於夹袋。有如块矿，均沐埏镕。某敢不佩服隆私，持循先训，庶题舆而佐岳，稍结綬以登畿。展骥何为，听槐街之鞭策，登龙甚幸，厕材馆之簪裾。誓毕微生，仰酬厚德。

代回沿海制置赵都承

某恭审敛谟宥密，进撰凝严，谋帅谁先，汉臣无出谊之右，在师中吉，周公其主陕之东。辞玉陛而有行，合天朝而交庆。恭惟某胸蟠万卷，笔倒三江，自其少年，蚤负台阁之望，安於平进，历更麾节之劳。当朝廷救楮之时，应君子拔茅之象。密勿百寮之上，周旋二柄之间。过政事堂，丞相每改容而听，用春秋法，史臣仍载笔而书。方将登法从簪橐之班，相与定匈奴金缯之议。若时古鄧，有事春搜。校六步七步之愆，士辄哗而失伍，膺再命三命之宠，公甚壮而临藩。前茅戒严，细柳改色，亲授青冥之钺，闲围别墅之棋。昌黎入廷湊之军信儿郎之帖服，光弼代子仪之将见旗帜之精明。亟听褒嘉，归陪论献。某侍朝甚幸，将漕无堪。政依枢柄之余辉，拟预月楼之清集。况朱幡之出镇，欣紫綬之增华。羁怀窃感於别离，盛礼敢当於骈俪。着鞭先我，自怜骨一相之屯，折柳送君，剩祝功名之会。襟期所共，心画奚殫。

代回严州卫守

恭审作命典藩，简辰植纛。书登金鎖，密联东壁之辉，车拥朱幡，高压客星之次。叔度之来何暮，文正之踪有光。恭惟某学富邛笪，姿凝昆玉。俨若思，毋不敬，威仪素习於三千。进乎道，恢有余，肯綮蚤经於十二。振伯仲埏简之誉，擅春秋兰菊之芳。宜在朝廷，乃更州县。遡牙樯於清瀨，森檠戟於上游。田庐间苦於白催，帑廩颇从而赤立。规模自我，必易局以置棋。手段过人，尽无面而作饼。稍修数月之令，亟腾五袴之歌。入为公卿，净洗兵甲。某使华曷称，王事徒劳，镜中之发既星，江头之潮如屋。政拟擘笈而贺上，遽蒙惠翰之来前。忆千骑之过都，仅一觴而临水。观风畿左，长哦结辈参错之诗。假道棠阴，行遂渊明归来之兴。报襄弗恪，詹

乡加廛。

代回安吉州赵监丞

恭审选贤班缀，分牧京畿。得结辈十数人，荣佩银菟之印，封姬姓八百国，清占水精之宫。下车有初，比屋相庆。恭惟某行高天揖，量大渊淳。博洽多闻，映太一青藜之杖，风流自命，披谪仙紫绮之裘。人知直上以干霄，我则徐行而按辔。既飞见而展骥，载骑马以听鸡。禁鸾东床，饱观奇士。判花西掖，盍列从臣。肯盘薄於一麾，试招徕於六客。吏事绰然余地，歌谣蔼其近天。燕寝凝香，伫报龚黄之政，都堂并席，定追富晏之踪。某漕转无堪，知怜有素，忆从容而扣阁，欣振厉以开藩，不因过客而饰厨，岂复追胥之打户。设施强人意，信知於此不凡。骈俪遗我书，似亦未能免俗。占训甚率，驰仰徒勤。

代回常州卫寺丞

恭审改符作牧，缩戎之官。衡岳云开，勿膏车而秣马，荆溪月满，真泛宅以浮家。条教一孚，歌谣四达。恭惟某金羸学富，玉海文深，不踏丹梯一第，特恩子耳争麾。翠轂万锺，何有我哉。典章淹贯於胸中，政事笑谈於笔底。翩翩历，蔼蔼声称。就零陵山水之乡，周爰咨度，作平泉花木之梦，蚤赋归来。上笃念於世家，公出临於邻郡。山无贡锡，坐凝燕寝之香，驿有赐环，入试麋丸之墨。某星朝曷称，霜鬓堪惊。政怀旷败之虞，乃侈寅恭之幸。浴乎沂，与曾子剩思石浦之琴书。瞻彼淇，美卫公勉继沙堤之衣钵。貽笺首及，报染奚殚。

代回新嘉兴守余监丞

恭审用传出关，分符作守。在春秋为携李，雅推地望之雄。辅京兆曰扶风，未觉天先之远。先声易达，生意顿回。恭惟某标致蓬莱兮，闾风器质，黄钟而大吕。胸中书传，皆尊主芘民之方。堂上精神，得富国强兵之要。谓升高而自下，既历外以居中。余不负丞，君子式严於戎器。仲难为弟，少公盍列於政涂。肯盘薄而佩锅，乃怡愉而戏彩。帝念阜陵潜龙之所，民罹泰山猛虎之苛。出命维新，改辕自近。鸳湖棹稳，何异探苏堤之梅。凤沼诗来，还胜梦谢池之草。稍报抚摩之最，遄归选表之班。某漕转罔功，芘依知幸。衒袖忽貽於骈制，裘巾惟谨於珍藏。见尔送人，殆取椰榆之笑。转而闻上，伫传宣布之歌。赞僉实廛，稟酬莫罄。

代回江阴王守

伏审分符作守，宅甸服以惟良。便道之官，过帝关而不入。特廛书素，隃想车音。恭惟某源流雄奇，被服温洁，是父是子早竞茁於兰芽，其人其天今独存於华萼。维志澹而不躁，虽步徐而自高。既卧黄紬，荐凭缙轼。柯山棋散，访一斧之仙踪。申

水波澄，应三刀之佳梦。曷云不敌於壮县，足堪爱养於细民。小试蕃宣，急看选表。某驱驰已，蜚挽何堪。律宜黜而乃升，身欲归而复驻。鲜于非骏，敢称一漕之福星。益部有襄，及听三章之童子。占酬良率，驰仰徒勤。

代回温州赵少监

恭审涂芝作诰，列戟专城。二千石起家，分左符於汉殿。八百国同姓，辅东屏於周藩。来暮有歌，和衷甚幸。恭惟某行高天揖，量大渊停。博洽多闻，太一下青藜之杖。风流自命，谪仙披紫绮之裘。恢恢政事之科，历历功名之会，既飞见而展骥，即骑马以听鸡。学宰相居都司，结绶历更於二府。以君子除戎器，褰裳薄近於千岩。兰亭之乐未央，宣室之思深切。相攸翠荡，驾彼朱幡。无叹愁声，小借慈祥之父母。有治理效，遄归选表之公卿。某莫称班行，猥共漕转。厌簿书之尘土，梦松菊之田园。一鹤随公喜，流传於新政。双鱼遗我愧，先辱於华笺。未以罪行，庶其忠告。

代回知台州李监簿

恭审城专左辅，星直中台。竹马填郊，除道欢迎於新守。木牛供粟，同寮解后於故人。想见部封，便安条教。恭惟某根蟠仙李，响振天钧。论议长江，衰衷流而不尽。剿裁游刃，恢恢地而有余。维温良恭逊熟以持身，故安静和平见诸行事。薄味监州之蟹，亟听待漏之鸡。章满公车，类朝奏而暮下。军多戎器，爰内修而外攘。聚精会神，甫尔在廷。更治考功，於焉请郡。驾言皂盖，陟彼丹丘。未庸庭户之令修，顿觉闾阎之疾愈。天非难谷熟，城不没而江平。五百茗花聊具石桥之供，三千牋草遄归金马之班。某将指何堪，思归未遂，每忆侍朝之款，殊恨定交之迟。俟兹寅恭，幸甚蒙赖。课民二母彘，知剩布於中和。遗我双鲤鱼，愧难胜於骈俪。为报草草，有怀卷卷。

代回婺州陈郎中

恭审寓直宸奎，承流宝婺。青毡吾物弄印，讷以界尧紫马。君来骑竹，缤其迎伋。鼎传初令，幸获为寮。恭惟某学博而文宏，道醇而德备。一麟独出，士知韩愈之可师。三凤齐飞，人惜刘蕡之不第。历江淮之两郡，安丘壑者累年。何自为郎，庶几谋国。菊犹存於苕雪，舟辄引於蓬莱。维明月之双溪，冠扶风之三辅。桐乡爱我，尝鸣支邑之琴。渤海劝农，聊听谯楼之角。寻丽泽诗书之化，访叱石神仙之踪。伫拥锋车，径登荷橐。某缪共漕挽，何取咨諏。粉省分曹，尚忆侍朝之喜。黄堂报政，侧闻乐职之歌。方上日之戒期，乃后时而言贺。珍函俯逮，华施难训。

代回建昌张通判

恭审疏恩汉殿，通守江城。为氓而远一廛，阻郊迎於别驾。呼童而获尺素，辱邮置於都门。喻占布置之新，可卜康功之效。恭惟某诗书正脉，名节故家。为帝王师，笑夜取老人之履。得江山助，宜时称大手之词。凡所居官，绰然余裕。高则建封之授钺，小犹万福之麾舟。当国事之孔殷，盍人材之杰出。何其计左，聊尔治中。作麻源三谷之游，麒麟擗脯。踵文昌八座之美，鹓鹭催班。某不移其愚，奚适於用。驰隰未离於魏阙，捍堤良苦於胥涛。爰念母以丐麾，乃贱天而閤允。维桑梓恭敬，止徒怀忡惓之心。存松菊归来兮，终乐宽闲之野。偶稽庆幅，尚请海言。

代回林提管

伏以汉使乘轺，猥将隆指。郗宾入幕，首屈英游。糟丘之职，徒以劳人。苹洲之隼，乃肯从我。瞻言一苇，辱此双鱼。恭惟某天材素高，吏业滋敏。迭奏种桃之最，拟为携李之游。谓太微二十五星，盍褰华於郎省。如长安十千一斗，姑振领於兵厨。稍展修能，亟跻要列。某莫称观风之寄，粗有庆贤之心。故人斯来，何事弗集。庶同出袖间之手，岂徒流地上之钱。继西湖赋梅花，尽有余暇。比南丰持香瓣，则似过情。占报不臻，晤言以罄。

代回临安刘通判

伏以我来君去，莫留画幕之贤。德举言扬，少见恋袍之意。高文有赋，私谢何为。伏惟某丹穴产奇，紫刻争秀。双亮游戏，蚤收墨绶之勋。孤惊登临，曾续珠帘之句。简拔既居於小尹，班联行趁於大昕。某老矣，临戎幸而集事，忆家山之荔子。已趣归装，寄江驿之梅花。毋忘宿契，暑宜护重，日听褒迁。

代回兴国罗知军

自天子所用，更治以专城。与父老言知，阻饥於垫水。寞条俶布，生意俱回。伏惟某绰有父风，历收吏最。从军油幕，惯联慷慨之诗。借地玉阶，屡吐峥嵘之论。睠富川之为郡，汇众泽以横流。未苏鱼鼈之民，况宿貔貅之戍。上心所属，敏手攸资。人活青州，亲椎山而輶栗。图开赤县，同备械以修车。某雪去霜还，心疲形瘁。得结辈参错，部内何幸。蒙成容少游，款段里中，已坚归计。

代回苏参议

帝简儒纓，出自黄间之派。官居议幕，来看画栋之云。有惠书函，足占僚契。伏惟某温良有守，恬暇无营。乃奏最於弦歌，肯赋闲於香火。郊垌可出，屈工部於剑南。境土未还，致匈奴於阙下。有谋则就，不约而同。某偶幸旅旋，已坚祠请。视小丑以鼠子，何谓功多。遇少公之桐孙，庶窥文献。解严甫定，襄报殊疏。

代谢赵提刑举状

五位合乎天数，冒干使斧之威。一字华於袞袞，亟露公车之奏。取之自远，闻者皆惊。极感琢於肺肝，略敷刊於笔墨。窃谓宦路每拘於选调，举员尤重於职司。并四者难尚，鶚炙求而弗获。制一以诗，犹龙睛点则便飞。此下寮切於归投，而崇台乐於成就。伏念某蕞然小子，缚以微官，清江碧嶂素号富罔，绿水红莲今为苦海。旱蝗相踵，田间多菜色之民。余餽孔艰，庭下少雁行之吏，方孜孜於职守，皇汲汲於身谋。箭一失则废前功，姑穿杨而进步。丹九还而换骨，因舐鼎以垂涎。春光才动於郁孤，宝相遂圆於宰堵。顽冥坐井，何有粹明。□□面墙若为闾敏，责粗逃於官谤。能曷取□□□奖假过优揣摩增愧。兹盖恭遇某材堪柱石，身在江湖。以道相传，续千载圣人之脉。得情勿喜，尽一成君子之心。居礼乐而有光，知贤才而必举。顾如孱琐，莫称搜扬。某敢不厉志公廉，训恩特达。气象彷彿杏萼之乐，声华熏桂籍之香。庶几报坐主於门阑，抑以见先君於地下。岂他人不如同姓，毛原幸得以宗周。母尔音而有遐，心籍湜敢从而叛愈。丹扃所向，皦日斯临。

代谢皮右丞相

慈恩托契，上台记夹袋之名。光范移书，下幙被绣衣之荐。开云霄於万里，收桃李於一门。恩重命轻，感深涕集。窃谓选人唯班改是务，举主最职司为严。并四者难尽，连贯虎侯之札。缺一以待，必勇夺龙舟之标。非金刚杵有以摄持，则玉女盆何缘挂到。不先不后，如取如携。伏念某朴橄微黄，駑骀蹇步。泛莲依水，初微画诺之能。食蘂饮冰，第谨律身之戒。望七阶而勃窣，绕三树以彷徨。同年岂无情，特荷老端明之垂睬。他日又独立，仍蒙大丞相之兴怜。方红旗踏报於捷书，正彩服亲浮於寿斝。念郇氏一枝之桂，下郁公五朵之云。何德以堪，其应犹响。兹盖恭遇某上医扶国，巨栋擎天。魏公自督视而归，君臣相说，汾阳居令公之位，父母俱存。精神会于一堂，威棱懔乎四裔。坚黄河如带之约，续丰水有芑之诗。材无细大，悉以作成，官若中外，从而器使。故令合颖乐以转钧。某敢不恪秉素心，仰酬大造。观远臣以所主，不离父子兄弟之间。报国事以众人，即受天地鬼神之谴。指纵惟命，赴蹈奚辞。

回赵东判贺宣召

应制非才，久断藜灯之梦。趣归有旨，仍沾桦烛之香。顾董辖之方新，欲循墙而不可。靖惟忝窃，实出吹扬。未控谢簪篁车，先辱赠锦绣段。因俚篇之从臾，重行计之趑趄。非关人去而山轻，宁免林惭而涧愧。虽夜对莫分於莲炬，然春光久泄於柳条。朕不弃卿，敢诵北阙隐庐之句。公如送客，请续南浦绿波之诗。更借言於开陈，庶以礼而津遣。举莫废也，爰则助之。略此稟醑，嗣图侍罄。

与赵丞辞漕台月俸

案畔掌书，浪夸仙秩，幙中草檄，偶继芳尘。槩铅徒弊於精魂，印绶亟还於肺腑。类无耕而用马，敢不猎以悬鹑。遣贶甚勤，控免难已。盖始因疾谕，待来年然后损之。若仍以俸言，则今日之受非也。宁甘却长者之赐，是粗守顽夫之廉。善为我辞，无出公右。奢华岁节既沾沽酒之十千，特达衷言终觅买山之百万。容听响卜，别拜隆颁。

回王象先惠诗

高士不为猥厘宫务，德公寡出谨执师丧。及兹三退而强留，乃辱两章而言贺。自量衰繆，莫称褒期。维其因用药而识君臣，故不废伐木以全朋友。吾二人在耳，想无下石之言。臣百口保之，尽有侄山之日。少安勿躁，薄责尤宜。

回赤城观熊书记

效茅仙戏赤城，夙窥英躅。从子云问奇字，忽枉高轩。袖衔偶俪之文，屐折空虚之喜。某厌随举子，亲续宜僚。熏胸中书传之香，领物外烟霞之趣。文章一伎，漫游艺於笔端。道德二经，素嘯真於舌本。得时则驾，而月斯征。某 矣赋归，誉之过实。金玉有定价，惭非识宝之人。风云入壮怀，宜择立身之地。矧当年少，政要书多。

谢聂秀才贻见

虚檐晒日，政搔老子之二毛。满座生风，喜见秀才之三耳。辱赠我锦绣段，知同饮玻璃江。久客边淮，干戈未定，乍归乡井，松菊犹存。何遽至啼饥而号寒，要不害安贫而守约。吾无隐尔，难持岭上之白云。君其图之，自有书中之金屋。居惭地主，聊酌乡人。

回王监宫贺宣召

处士归山，仍居宰席。使人赴陇，促返案庐。升辂犹骰子之选官，诣阙类胡孙之入袋。偶然洗幽谷之耻，或者兴捷径之嘲。宠诒诗篇，极佩友谊。方移庭而勒俗驾，敢犯座而应客星。较八斗一石之才，言语浪夸於子建。观九尺四寸之干，功名宜属於曹交。共载而东，当复于上。

勿斋先生文集卷下竟

四库本

提要

【臣】等谨案勿斋集二卷宋杨至质撰至质字休文号勿斋阁阜山道士淳祐中勅赐高士右街监仪主管教门公事是集皆其四六书启多与一时当事酌荅之作其兼领旌德观都监谢京尹赵节斋启云观以道名境随人重知章有学始专鉴曲之烟霞清老能诗故奉金陵之香火倘酒瓮饭囊之辈徒斋钟粥鼓之羞云云盖亦以文学自负不屑等于黄冠者流第二卷中大抵代人之作当由嫫于词翰故士大夫假手者多也宋末启割之文多喜配经史成语凑泊生硬又喜参文句往往冗长萎弱唐以前旧格荡然至质所作虽边幅少狭而对偶工致吐属雅洁犹有樊南甲乙集之遗正未可以方外轻之矣乾隆四十六年四月恭校上

总纂官【臣】纪昀【臣】陆锡熊【臣】孙士毅

总校官【臣】陆费墀

勿斋集卷上

宋 杨至质 撰

太一宫清心斋谢陈提举

茅洞烟深繆执住山之斧竹宫天近忽颁赴陇之书姓名误彻于冕旒行辈辄先于冠褐窃惟祠严太一是谓贵神星应少微故名高士当建绍干淳之际多巢由园绮之臣召对禁中每谈经而论道放还物外且锡号以赐书比年以来此事皆废何者蹊趋而径入甚于车载而斗量一洗而凡马空咸服明公之能断数行而彩凤诏庶有异人之肯来如某者平凡无奇孤洁自守结习偶随于笔砚踪迹遂遍于江湖名山大川所到领揽诸老先辈于时从游间结屋以聚书将息形而休影滥修烟霞之长悦惊岁月之侵二十年不入修门果能此道五千言束之高阁未丧斯文俄有命以自天俾陈力而就列即清夜藜灯之地扫积年铺席之尘母若宋人然借曰薰莸之殊器犹吾崔子也或疑虎鼠之同宫修文辅教敢效寸长归美报上庶伸素志终愧荒唐之学难酬希濶之恩兹益恭遇某性禀高明躬持温恪圣经贤传滙玉海于胷中秀句英词粲锦囊于笔底书画诣钟王之妙谈锋透老释之微公余萧散于园池客至从容于诗酒如其颖拔乐以甄收某感佩隆私激昂晚节仰祝圣人之寿常瞻太尉之尊十事囊封切慕爱君之种放三书袖入仍希望阙之嵩高稍别庸流式训异遇

代失仪降官谢丞相

搢屏弗恭愆仪九陛纠弹曰可贬秩一阶戴皇慈宽大之恩繇庙论优容之赐合诛而贷识感于惭某尘翳性天津迷学海半世徒劳于韦布一官窃防于簪绅爱子教之以忠仅守过庭之训事君犯而无隐永怀恋阙之诚自只役于简书每饰躬于冰蘖蕤湖学制开边粗给于军需兰渚负丞摄郡尝疲于荒政洊叨列剡重累洪钧分符服领之南矫首泰阶之下问民疾苦安得中和以作诗歌借国威灵所幸丰登而少公事璧苟全于细满玉爱食于长安负展当阳方披奏牒坠笏于地遽失朝仪初非天之违颜若有物以掣肘碎牙俯拾敢希前辈之高风挂颊游观空羡西山之爽气槐绿之羞莫掩薪粲之刑曷逃负芒以还席藁而待议从忠厚第削籍于宜敖施及颠隮尚寓形于块垤头颅自省骨肉知归兹益恭遇某咸一德以亨天兼三王而施事声色不动作成击泚之精忠名德相望保用问薨之故物因待还严之防曲陈末减之条全此微踪寘之薄罚某敢不铭藏厚德辙戒前非加恐惧以修身期周旋之中礼抽手版付丞相休闲敢负于明时奉介圭覲我王入对或存于他日其为摧谢防既敷刊

代贺丞相除太傅

恭审敷制大廷报功真宰帝怡愉而奉太后载加册玉之称公燮理以备周官爰正面槐之席事光典礼庆浹臣工兹益恭遇某柱石壮材蓍龟先见五百岁孕灵于海岳二十年宅揆于庙堂拥昭立宣不动色而匡天下平淮防蔡当戮力而复中原精禋既肇于南郊介福聿臻于王母集搢绅而归美写琬琰以成章法驾东朝肃领皇仪之盛玉音中出诞跻公傅之荣园田并

衍于膏腴鼎路益隆于体貌坐而论道对不呼名作宋一经见圣君而贤相封齐四履竚异姓以真王某托命大钧劳心小邑捧黄麻而欲舞望赤舄以无阶峙刍茭峙糗粮方备潢池之盗作盐梅作麴蘖永同岩石之瞻

兼领旌德观都监谢京尹赵节斋与

归寻杞菊拟乞闲身领揽湖山乃兼秘宇虽大府体召搏之意恐先贤怀拜信之疑窃惟观以道名境随人重知章有学始专鉴曲之烟霞清老能诗故奉金陵之香火倘酒瓮饭囊之辈徒斋钟粥鼓之羞伏念某畧带书痴未除劒气一壑足安于晚节十斋再入于旧巢乏嵩高平贼之书漫云诣阙无簑衣通神之术敢望筑宫片文只字屡送上方败屋頽墙如在传舍公即清心而怜客吏言旌德之缺人疏檄宠颁缙解俱至以高士为主簿或讥乔木之下莺从天子作门生焉用小儿之弃马维 景居山三营别馆而尧夫在洛十置行窝使学徒有所指归与耆旧相为款密至若现白鹤者按行于林屋袖青蛇者飞过于洞庭何得拘挛等是游戲为节斋一出不恶向长隄独步亦佳兹葢某堂堂乎汉宗英绰绰然京兆尹大而笔橐补衮职之阙细而薪米得都人之欢间小队以行春正新亭之出日问坡仙之何在周旋靖白于一堂唤弥明于此来管领侯刘之二子山判不移于请嘱玉旨特详其往还某敢不强赋梅花賸栽杨柳环数十里皆水洗清坐客之俗尘后三百年有人增入黄图之新志

谢运使江古心万里请住玉隆

两街应制窃依藜杖之光十国出符俾辖锦衣之众溢荣褒于疏请借壮观于斋居试言道家之大山莫若旌阳之故宅冠袍所聚之地领袖必得其人过者垂涎多买游谈之烦舌从而染指谁惜常住之眼珠此曹自轻吾道几坠伏念某江湖漂泊木石防顽未能茹商皓之芝固尝防许君之柏因元戎枉驾以戾止为同列争席而翩然识面目于山中屡作天宝翠岩之梦送头皮于官里误陪甘泉泰畤之祠因内醺以进诗辱上恩而润笔俯加训谕未许言归望阎公都督之檐政慚素昧设徐孺高士之榻忽传好音熊鱼虽欲而莫兼猿鹤殆惊而且怨兹葢伏遇某名高日月威振风霜访六一翁洧冈之居登进郡最创二十士鹭洲之学作成十人洊移青丝玉节之华并领画栋珠帘之胜爰披图而问俗信拔宅以飞仙颇闻腾胜之区久缺焚修之长群鸦争鼠已在吾目独鹤昂鸡孰当人心左浮丘右洪崖百闻不如一见近皇甫逵居易三占则从二言某何德以堪不求而得价非高于少室身难出于长安舍已事以勤馆人申诵他日从公之语趣霜天而收柿栗空吟昨宵梦母之诗未先桑榆尚可桃李

谢何漕卿请住玉隆不赴

懷归得告暂离藥殿之班领众修真洊辱星台之命属愆期而卧疾方露奏以祈闲玉音未俞鼎语奚答睠游帷之福地虚辖席者许时岂都仙之灵在天故悠悠而弄印葢大府之明如日不草草以畀人破猖然投骨之争俟角者为麟之出果孚輿论必费防搜如某者厌江湖而知休甘草木以俱腐三年去国误叨命召之荣十载住山自笑身谋之拙繇刚肠而嫉恶第洗手以奉公囊钱虽慳户屨粗满前使者从而过听今明公何所取材置驿传书示军将打门之喜

送州津路移太守劝驾之勤维名称尚隶于帝旁恐职业难共于戯下两征不起初非少室之山人一榻纵悬定有南州之高士允副权衡之选庶新钟鼓之声兹葢伏遇某为儒者宗真宰相器当乘轺而问俗亟植纛以临民令下棘闱无纖哗于战螳手摩铁柱有大造于屠蛟遥瞻井柏之陰森慨惜香花之牢落孰为主宰谋及国人忘虎符龙节之尊加鹤氅鹿冠之礼某居伶薄命仰负盛心黑笠垂云阻访洪崖之旧珠帘卷雨尚从滕阁之游公如遽归仆则退听

谢郡守潘户部减漕

乌绦谒郡敢希货药之仙白粲送仓特损敷苗之余即福地洞天而区别俾斋钟粥鼓以交鸣一饭知恩双坛齐寿尝攷閤皂授田之籍失于绍兴经界之时南曰阳北曰陰沃壤咸归于富室高不旱下不水丰年粗给于常堂防祠牒之日廉致食单之云集朝廷初行储蓄之令官吏争持撙切之权违列圣勅旨而弗蠲与三邑编氓而均配攫财犹肉防粒如珠忍令田里之怨嗟遑恤山林之饥饿某滥居官辖合转食轮因众口之嗷嗷动我心之戚戚既乏鬼兵之运粟真愁县令之破家期儿童迎细侯除道幸先于紫马定舍馆见长者入城爰跨于青骡冒陈千一之愚乐杀什三之数文移庾氏宛同鲁肃之指困惠及山人不费真卿之作帖所持者狭其說无疆兹葢恭遇某秀出坤维望高干纬一命落瞿塘之棹十年参文石之靴有宅占水精宫中自适其适无书至光范门下时行则行乃剖汉符遠临萧渚谓吾年五十姑守兹土然歲余十万几倍他州推赤子内沟中莫救前人之失祭名山在境内务令广众之安于招徠补发之间示委曲代输之意某敢不谨持杓柄仍卜灯花饭颗瘦生戴笠已怜于杜甫酒材春乏卧楼更念于洪崖忘其在陈辄尔望蜀

谢句容王宰断刺盗柏贼

山木千章素严樵禁宫墙数仞辄入偷儿斧防几类于干陵公事遂干于偃室极惩不贷厚德何穷窃惟王母桃红儿三尝而啖帝董君杏熟虎四出以啄人神仙幻化固未易窥寇窃侵渔且不能免而况槎居海上驾乘或犯于斗牛桂在月中斩伐犹惊于蟾兔吏徙武昌门西之柳童抱杜陵屋上之茅谁无六根天亦五贼伏念某液满曷用盘错非长许柏葛杉俱曾洒扫交梨火枣久自栽培来从句曲之三茅拟种 都之千树月明有鹤方吟岳顶之松【阙】响无人俄失庭前之柏虽异乎四十围之溜雨本望其八千歲为春秋不堪鼠辈之欺爰出羽流之噉慢藏海盜非无锁于洞门悉上送官防亟囚之狱户一辞无隱五听兼详幸未烂于樵柯仅半存于隍鹿见豕遇雨吉庆寬邻里之呼荷校灭耳凶俾按市朝之挾山贼寒心于路侧树精快意于城南匪贤令尹哀丁丁之声则羣不逞将旦旦而伐兹葢恭遇某名香仙籍家近旃林苗裔三槐待擎天而作柱襟期五柳试满县以栽花爱人材于拱把之微恐山林有童颠之丑磔此穿墉之鼠妙于食豆之鸡未论桧顶之升仙足使桐乡之爱我某守株知繆采藿懷慚期尽剖于藩篱怕愈加于刀锯召贼曹呼五百已衔赤县之恩效隱者答羌夷尚奮嵩高之勇莫如自治不在多言

谢县宰免伐墓樟

墓木拱矣诸孙均霜露之懷匠石过之令尹赦斧斤之厄闔宗感涕行路賫嗟蓋闻宰有民人一县常夸于桃李谁无父祖九原谨护于松楸故法垂穿心禁步之条而礼着为室斩丘之戒睠言冷族居傍先茔墀间之祭序以衣冠相承累世江边之树状如车蓋其大十围陰阳家谓防蓋之宜子侄辈起科名之望适駮弟呼卢而罔利致贫夫狙佞以献官人亡书存操二十七之白契神出鬼没输一万千数之青铜巨堪刻木之舞文直为老樟而买命松因丹活纵挈吕仙之墨籃荔以姬完尽带黄巢之劒迹茲蓋恭遇某英标耸壑定力擎天明堂梁栋有待于相材岩邑丝桐聊寻于宝气市生柴炊尘甑初不与百姓交听大风败重门何以令众庶见爰求钜橈载立崇閎庸新万目之观岂吝千金之费某亭之猪可祭也固莫逃黄霸之神吾子于虎又死焉决不堕泰山之猛桃且栽而未去桂虽斫而无痕苟非当家孰锡尔类某藤萝息梦葛藟知元思召伯于甘棠之陰遺爰敢忘于勿剪画道士于枯木之下深根庶保于长生

谢郡守王监簿

传食侯门归休已晚充员主席董率何堪捧郡檄以知慚造公墀而言谢尝闻山川以人而轻重钟鼓随时而盛衰维张葛双坛记寰宇之福地有陈黄二士列政和之道官后先领袖以俱贤内外防模而毕备夫何近世顿异前修顽嚚之恶滔天清浄之风扫地况秋田之絕穗致午甑之生尘巾鉢如云政张颐而待哺犁鋤得雨须乞采以瞻耕仓苗未了于半输县税早行于预借负逋山积宿蠹根深必表里练达之人辨上下煎熬之事如某者稟资苦薄识字无奇因浪走于四方偶从游于诸老柱杖深桂林之洞推篷读浯水之碑八月观潮屡倚楼于江下三更谍寇尝草檄于淮南谒海陵神翁之居酌采石谪仙之墓骑驴而访赵叟招鹤而谒西山沂清涨而登郁孤攀赤城而眺桐柏舟泛鉴湖之月觴流曲水之波卧念平生辙几环于天下来归故隱屋方就于云边编排漏架之官书布置绕墙之仙药自甘终老无复他求诚知桂馆竹宫峩崹京阙亦有石坛花院错落衮乡由来天上无愚懵仙焉用世间不唧 汉彼以爵而吾义人皆醉而我醒忽纸卷之探名上之官府辱笔头之加防付以家山固贪青眼之荣奈破白身之戒甫涓辰而隶役时拊已以扪 学问未充曷扶持于风教材犹不敏定败缺于公私非惟作杞菊之羞又将为桃李之玷茲蓋恭遇某名高黄甲班在紫宸别驾鐔津威镇千村之狐兔专城潇渚化行三邑之豚鱼人妖首破于黥胥女魃适罹于旱歲爰民如子移粟于河振貸而活青州亲见富公之陰德吐哺而延白屋尤推姬旦之盛心故虽山林下人亦或俎豆间物 裳者鹤误墨而蝇某敢不并缘诗书湔浚泉石庶几我靜而民正万一老安而少怀富寿多男从华封而祝帝中和乐职效益部以歌襄恐趣归列宿之行使遽失二天之托其于依戴罔既铺陈

回临江赵倅

一鹤 裳甫覩泥轼双鱼尺素忽到岩扉粲盈幅以成文坠多仪而为祝诵藏无斲感耀俱深尝谓高尚者不事王侯神仙者间游防市隱图南于华顶贵客自来现洞宾于岳阳时人不识若夫住山应世出郭呈身平生所丧已多一见安得如故比承某题輿荣上迓骑缤前臣非黄冠师敢废郊迎之礼公下白屋士获瞻山立之标小诗蚓窍而蝇声归梦鹿眠而鴈挂詎期专介宠俾芳函刻赞【心经】刻箴【夜气】信共西山之臭味授笔授墨焉解子云之覃思织

蕉轻过于五铢酿桂香醲于一榼监州有馈行路皆惊某倦客江湖滥尸泉石幸依刘于此地知説项者何人文士中朝谁兴怀于羽褐樵夫前路果乘暇于青鞋祇候按行庶几倾倒【文士樵鞋皆来割中语】

迂郡守章吏部

银菟宅牧重境内之名山竹马迎新唤云间之孤鹤除道审买臣之至候關移尹喜之恭覩以争先礼云贺上敬惟某名垂宇宙学贯天人祖笏父衣鴈防聯题于数世卿珪从橐龙门独擅于一时帝曰象贤官为博士晋编摩于宥府参综覈于铨曹因襮被以退休乃剖符而更治昼锦畧荣于沈井晓帆恰涨于萧滩五马不受二毛方当壮歳两刘以及三孔亲挹遗风坐令安静之化行竚见中和之诗作然念斯民之困仅书去载之丰敷上产以随苗几竭稻粱于南亩指清江而索楮类寻杜若于芳洲旧新之券俱轻公私之蓄咸匱不有鞭霆之手曷施活国之方珥笔一双首转移于风俗去天尺五亟选表于公卿伏念某逃儒自初进道不敏未办九还之鼎浪升诸老之堂油幕从军檄尝供于盾墨金门应制杖仍照于藜灯幸得请而号最闲合掩關而作高卧误狗家山之众游登主席之虚由外侮以防墙忍旁观而缩手吾何爱此幘使君实重于挽留人或弯其弓儿辈辄从而倾軋望旗旄之戾止信衡鉴之了然入岳阳谒子京非敢瓢中之药如全椒遇应物庶容拾涧底之薪赞倚兼厯铺刊罔既

上提刑萧大着

闻公子之名有日矣方图上谒于霜台谓处士之庐无人焉颇觉包羞于云壑亟裁短贄仰瀆严威葢闻君子小人有同牛骥深山大泽实生龙蛇虽物情什伯之不齐岂书防二三之无取贤如灭明必不至于偃之室学如子路亦奚为于丘之门皇华兹賁于林塘王气倍添于草木神仙弗遠但消金锁之掣开车马曾看未必芦花之深入畏襜襞向人之热笑推敲冲尹之狂刺字纵漫吾舌尽在忽覩析屋五花之判几令教门一叶之轻彼雀角鼠牙听讼固烦于召伯若龙头豕腹聯诗宁乏于弥明不胜懵然与语之慚殆有招之使来之意恭惟某儒宗学博王佐才高绍唐室之相家瑀将及邁比汉朝之人杰吾不如何既跻蓬山清切之聯宜掌薇省雄严之制出节肯临于广部发仓全活于饥氓就着绣衣间登席帽翔而后集授代之举甚高死者复生平反之德滋洽诏暑囚而亲录言凤驾以周諏二使星明身俯趋于宝墀五原雨足手倒挽于银河毋庸诉皇恐之滩当径侍通明之殿某谨身素拙于道无闻传食四方不作蝇营而狗苟归休一壑可堪鹤怨以猿惊正抖搜于尘编且摩娑于丹灶坚柴局而麾俗客抱瓦缶以杂蛙丁薄闻揽轡以按行莫敢曳裾而造请春秋之贬猥及其类左右之容孰为之先异三子者言防也倘防于殊顾叩两端而竭鄙夫恐坐于同科为客解嘲岂予好辩

辞岳漕

使臣轡有光将大转木牛之粟先生饭不足缘新移玉女之厨尝闻先之齐家果于此乎观政其嗟可去恶得无辞某维其久负郭二顷田不自乐陋巷一簞食故起单于千里遂传食于诸侯门外东方何曾饱死山头杜甫元自瘦生备尝残杯冷炙之悲辛已决早韭晚菘之归计公

由中而补外客驱去而复还椎鼓击鲜或詫逢辰之有幸张颐待哺焉知过午而未餐以涂民之耳目为令太苛倘累人以口腹于礼孰重借令束十围箴亦能插几张匙忍听无天殷殷之雷笑行于地亭亭之日不起笔吏谁哀王孙既豆羹得则生虽草具易为食果念及门东之索礼貌有亏第诘之灶下之炊司存自谨岂期鞭扑反逮輿台纵投鼠何忌之云然打鸭之惊莫甚酒不及而公荣无患犹别亲踈醴忘设则穆生竟行当明就去若尚懷恋豆之念是愈负伐檀之讥恭惟某稟天英灵有祖风烈为肥甘自足于口每苦乐快同乎人犒油幢百万之兵曾趲涟水养珠履三千之客未逊春申偶然忘由已之饥非不推食我之食曲行惩戒犹示等差与其挟琐琐细故以挠人何患无磊磊奇士以赴我请从此逝幸聽其归因黄梁而悟梦魂休說邯鄲之富贵有青精以好顏色别为梁宋之遨游懷刺在庭结装有路

回太一吳都监

太一灯明难陪诸老苏公堤近因就三贤得之聊当于行窝议者或讥于幽谷伏承某法参晋猛诗续唐均降滕六于中宵恩荣象笏挈郁仪于左手光溢乌轮不惟精禱祠之书抑且造修炼之妙方賡酬而相乐念离合之有时华以大篇介之多餽旁出固慚于兔窟暮归尚借于燕巢唤真人莲叶之舟可能访我续处士梅花之句定合输君感在心藏谢容面尽

右街监仪谢提举

身返斋居仅循故步礼成宫谢乃俾初街信名器不可假人顾富贵何有于我弗容还勅殊觉厚顏伏念某苦无伎能颇有气性清心独处难求师友之亲白首重来不废君臣之义好赐叠颁于箱篋文词每达于冕旒未报主恩幸逢宗祀万花簇驾获观天仗之仪一札降庭幸预道官之选论知事则米盐任责较法师则符水通灵谁谓柴愚俨同吟伍兹蓋某事上畏敬入道慈悲怜千里之遠来头衔未改忍一夫之独泣脚迹同升昔闻经畧之大师今见焚修之高士某臂枯欲脱囊涩休看非钱不行免上贴麻之请有书可读但愿乞骸而归

太一宫宫主谢提举

心清事简谨守斋防恩重望轻躡参宫务虽奏言之神速奈材具之荒疎窃惟贵神所宅甲于御前道家者流仰之天上夫何近歲颇异前闻非惠非庄莫识濠梁之趣若臧若谷俱为博塞之游读黄庭者误字固多防周易者研朱能几习达挑于市井 涵养于朝廷欲挽頽波必资定力如某者知身有患于世无营既襍被以还乡复招旌而赴阙舍近取遠争看御笔之新除辞尊居卑但保青氊之旧物效簞瓢于陋巷忆笋蕨于春山倍费弥纶使填领袖与人而问所欲掉头即控于牢词知我者谓何求覲面乞承于宠渥曷出诸君之右辄居方丈之西因闲就冗已失本心欲去翻留真成繆计兹蓋某典刑前辈骨相臞仙丹暖三田不服少年之药香凝一室闲看平旦之经佩彤弓兹矢以事君禱桂馆竹宫而报国凡依栖之羽服均披拂之春风某敢不洗手奉公直躬率下少课焚修之报益权进退之宜

谢徐叔寬见访

解陈蕃之榻夙慕当家访子云之亭忽临吾地惜定交之不早辱委贄以甚勤伏惟某双劍产灵五车饱读体物浏亮每义手而赋成抁风扶搖叹摘髭之第晚鼓篋熟蠶盐之味担簦 山川之奇穷当益坚威不能屈曰恭寬信敏惠【兄弟以此五字为字】聊相对于紫荆从贤能俊秀升即齐攀于丹桂某岩栖且老户閭谁来捧骈俪之大篇识清修之僞客杨氏为我谅无拔毛利天下之讥徐卿生儿申诵回头惊宾客之句永歌不足小住为佳

回邹元叔谢给饭牌

劝柴及山方随苗于上产给符自库乃继饭于先生非惟见怜客之心蓋亦云隆师之意行供已久言谢何迟恭惟某富有纸田亲 书种怕入长安而炊桂肯从閤皂以饭 诸弟子事兹有年或笑从徒而安坐大丈夫不能自食雅应进食以疗饥虽殊孟子之养钟庸免顏回之执防将军未老从者皆兴此日一簞匙漫抄于云子他年五鼎梓定进于宾郎某夙负素困偶开旧店嗟吾山之豆落羨君谷之黍生母嗜铛焦归遂承顏之乐兄因釜頤母貽紵臂之嫌去榻即悬新条犹在

回茅山白云观林管辖

悬榻重来羞见堂前之青草緘书遠至曾分岭上之白云当暑读之有风清甚恭惟某蚤脱逢掖勇求还丹发言为诗类不食烟火语得时行道间亦结粥饭缘偶然值大兵而凶年聊尔依阿姊于明月伫膺一札入踐两街某年华向凋世味俱薄断送未甘于宫里游戏只在乎人间我自倒行徒识子云之字君如哂笑同寻和靖之梅

回周子鲁催诗

比承风驭肯顾云扃□麈尾之谈信无虚士示牛腰之轴云是鉅公游貽偶俪之緘猥索平凡之句方乞为寒水玉何以报緑綺琴诗三百虽多奚为徒累洪崖葛稚之朴母七十相依为命缅怀嵩高柿栗之居深慚短章莫究盛事击唾壺而略读覆醬瓿以无疑

回雷应雷

归闲一壑为去国之外臣投贄两章有叩门之热客问其甲子生以庚辰正老泉读书之年亦康节望儿之歲高门不让遠到何疑谓童子出视之试验雷琴之清浊与先生并行也少须霞佩之颯颯

回王秀才谢防

袖诗过我方嗟识面之迟樽酒延宾乃告堕肱之厄虽名山非容易可到幸佳客肯聯翩而来本期衡岳之云开不料石头之路滑蓋文章防脱腕之敏而官职有折臂之祥偏袒而露右肩想费良医之涂抹持螯而用左手还容老子之周旋

回曾道士求挂防

三书诣阙焉用诗囊六验归堂合呈饭钞纵使无心而出岫岂应空手以入山旧识虽多清防难案学行脚去恐遭同舍之雕取告身来便驻横江之鹤愿文为惠佩意良勤

回赵签判送管转帖

息争优老拟变前规求退得迁甚非本志画幙重千金之享打门惊双壁之投古杉欲摇顽石亦骇念鸟飞之久倦况鼃技以俱穷三义路口已悔迷涂百尺竿头焉能进步无阿堵物从而回买非军资库可以寄留拆洛阳耆旧之书幸察尧夫之非傲谢乡里小儿之米容教靖节之早归畧具稟酬切祈矜体

回萧秀才

缙葛还乡窃依夜行之锦珠玑掷地谁书昼卧之裙偶飞梦以游仙遂愆仪于肃客伏惟某名居天北誉振湖南秀才三耳忆昔过从观音千手失今留挽莫遂樽酒论文之款徒深屋梁落月之怀冠履袈裟俟他时之和会靴袍手版勉即日之荣登

回张副宫贺封额

鬼蜮混并缪作双坛之长仙龙幸防并防九陛之恩未论吾教之有人聊补此山之缺典伏承某应酬局熟佐使功深诣阙休上书期挽河而洗甲坐石时得句甘捧鉢以抄云铺张大篇光耀老眼某无他私意利我公家紫诰黄麻偶成勲于一旦素书青防犹借誉于诸方

回陈管辖

某松篁歲晚胶漆年多击竹而和踏歌高寻仙侣眠云而谢丹诏遽振祖风杂旗锣迎导之声思金石铿锵之句某髮俱雪矣笔非椽如老马为驹殊悔六州之错后人收果尽多九府之圜

回黄讲师

某良心止水讲舌生风读易而至得妻窃比屠蛟之壻入山而遇顽石亲见牧羊之兄吟诗七言夸我二美某名随谤得事以志成帝命维新辱权衡于杨子祖风可振勉衣鉢于谭君

回王监宫

某栖心造道余事谈兵续孤鹜落霞之文身惯游于南浦授七星斩蛇之劒派亲接于癡堂喜旷典之秩神赋新篇而遗我某偶然集事久矣妨贤张后二王曷发才难之叹军中一范尚观战阵之功

再领宫事回陈溪山

太一天贵神揖别竹宫之香火青氈吾旧物唤醒葛岫之烟霞羣讥已去而复还谁识放行而把住过勤胶漆之友宠惠珠玑之篇路摧车峡覆舟固人心之难料水断蛟陆剗革惟吾力之犹能毋袖手以旁观庶开诚而忠告

代上赵宪催春削

绣衣立霄汉之春发生有日宝塔合浮图之顶望赐如天洊驰不腆之私拱听惟新之令窃攷选曹之立法最严宪节之举贤几州几吏率系于部封一狱一讼审观其职业纵缘众剡必出我门防淮南鸿宝之丹孰无炙色得季布黄金之诺谅不食言重念某学浅过庭材非入幙惟简书之是畏幸齿髮之方强能勿劳乎未了痴儿之事与其进也甚知丈人之真当迎候于轻輶即褒存于敝帚察九仞之泉于弃井约斗升之水于西江辰来何迟祇候并春之徇铎仕如此急或虞半夜之负舟忘喋喋之数穷申拳拳之三请恭惟某营平闻望伊洛渊源用谋王断国之规任明刑折狱之寄周原从而歷按顛石为之安流倚长劒于崆峒之巔鼠子帖服悬明镜于方臯之目马羣遂空繇其许可之不轻是以搜罗而殆遍某辱属籍愿列师门譬传神政在阿堵之中如插羽则便扶摇而上光宗盟而后异姓虽大造之有成待国士而报众人非小生之所敢归依至切敷控奚殫

代于制帅史尚书荐举

拥帅幢开制阃大江均戴于使天攀相袞叙年家小草辄投于恩地顾下寮之尘土仰荧座之星辰忘其等威控此悃悞窃攷累朝龙虎之榜号多士则有之若求两家鸿鴈之行俱三人者鲜矣鼎立临江之孔台聯番水之洪从夸竞秀之荣谁笃同登之契维先君而二父托端殿之一门半刺史携客而上郁孤最崇交于绣幙今丞相省亲而道湓浦特枉顾于缙屏书云情犹兄弟而姓不同意者施及子孙而恩罔替然骨骼龙猪之别故飞翮鹏鷃之殊可言而言谓进则进伏念某斗筭何筭寸线无长锁院厠名仅取踏槐之效棘闈还试尚希赐笏之传偶遗濡之霑濡即微官而束防读荆国临川之集访萧洲文选之楼贵人欲出我门猥防推挽痴儿待了公事靡憚勤劳拳拳食蘂以饮冰望望丹臚而涂墍在脱选莫难于职剡而乞灵尝叩于采庭躬洒报函慨垂重诺捧崇垣之疾置增陋廨之荣光与其挟刘公之书薰莸同器孰若致伯鱼之问桃李成蹊庶困万石之澣羣乐以千金而享帚恭惟某稟于天者浑厚辅以学而高明身在沙堤习见凤池之衣鉢量濶溟海平吞蜃气之楼台十年不出于长安八座峻跻于冢宰属边头之多燧宜江面之无波用铺敦淮瀆之防模移弹压輦轂之手段指麾羽扇布置楼船军声大振于柳营敌众悉潜于草地寬九重之忧顾贊百揆之畴庸父爱之子亦爱之奇士夙延于东阁主贤者客必贤者愚人或请于西家某托门墙僭泝其鼠肝类弹者冒求于鶚炙愿损有余之惠曲矜不肖之孤早簣土以成山免仞泉而弃井生匠石之园长伯乐之廐奚俯仰于他人侍公休之屢拜温国之堂誓依归于此世稍图植立庸答钧陶

回王监宫贺宣召

处士归山仍居宰席使人赴陇促返斋庐升辔犹骰子之选官诣阙类胡孙之入袋偶然洗幽谷之耻或者兴捷径之嘲宠貽诗篇极佩交谊方移庭而勤俗驾敢犯座而应客星较八斗一石之才言语浪夸于子建观九尺四寸之榦功名宜属于曹交共载而东当复于上

勿斋集卷下

宋 杨至质 撰

代贴职官观谢宰执

久闲田舍敢希堂察之招再命着庭讫遂祠官之请职有华于寓直禄且仰以资贫感激上恩控陈私谢伏念某生居村僻性稟平常方隆师亲友之图何致君泽民之有粗偿邑债仍负州丞因多病以丐归坐糜闲廩当引年而未谢真恋明时圣皇躬揽以改元善类同升而资治访诸生之在否冠八士以呼延逊桀弗俞除书频下鹓鸿并集许接武于道山犬马既衰难观光于天阙歷寫由中之愚果防从欲之仁宠之东壁之图书俾以中茅之香火身不离于乡曲名輒挂于班行于公朝何所重轻倍烦造化在老境不啻满足可谓遭逢若集注之语言竭平生之精力金籀教子居家聊用于讲摩竹简送官诏郡误防于宣取预慚肤浅无补光明兹蓋恭遇某名震华夷功存社稷亲拥虞渊之日静排黄道之云汤于伊尹学而臣信格天之德懋舜举臯陶选于众见稽古之谟申勤劳百废之鼎新指顾庶僚之晋用猥承衰朽均忝荣光某敢不思见太平力延残景拟圣主贤臣之颂共黄童白叟之嬉炙背虽暄徒抱献君之志挂冠已晚嗣腾谢事之章

代贺赵大资沿海制置

某恭审宸廷作命制阃澄威公衣锦以居乡四革趋朝于魏阙士持防而失伍一言靖忠于萧墙海水无波天顏有喜恭惟某高明而杰特沈厚而防通睨天下之英才孰出其右运甬中之武库所向无前江淮十年旗鼓百战指画断匈奴之臂谈笑取郅支之头大勲赫奕于旂常静乐婆娑于泉石时方多士吾岂久闲蜀国何茫然起一琴于清献乡邻有鬪者惊三箭于将军方按轡以拊循亟投戈而罗拜匪洛社公台有愿疑潢池兵弄未休吏皆趋庭帝且前席豔堆如象焉用从东吴之船渭水非熊亟入运西枢之柄息烽烟于边鄙壮磐石于邦家某江国晚生天街未至登龙门而未遂运骊驾以何堪连读绿绋耸占紫气晋公之貌孰似庶谐道左之迎大农之谷几何庸上關中之计其于庆倚莫既编刊

代贺漕东安抚赵大资

某恭审青防授钺紫殿移珂席之前贾谊所陈缓朝九陞陝以东周公是主坐镇千岩诞敷幕府之条密送京师之福恭惟某海山间气宗社重臣材气无双不数眼中的之余子威名有赫平吞塞北之匈奴屏江蔽淮井井其规模足国强兵斑斑乎勲业偶作平泉之兴闲寻洛社之图王曰遄归抚猿猱于劒阁士而失伍戢螳螂于柳营与其五月以渡泸未若暮春而禊防爰改纶于省掖乃植纛于帝乡官殿天基申景命万年之福楼台云影聚蓬莱三岛之仙风流文物全属遨头期防簿书不烦老手稍奏保厘之绩亟跻宥密之聯某繆听朝鸡遂供流马愧咨諏之何有唯旷败之是虞欣聆歷吉以启藩幸甚依邻而席芘旗旄可望药石攸资陪元戎出野亭徒想镜湖之集观奇士留东阁尚随輦路之尘賛僊俱深敷陈罔究

代贺淮东总领兼镇江呉侍郎

某恭审抗旛领饗持橐专城印何累累王人跨诸侯之序鄂不韡韡兄弟继冯君之歌台府鼎新衣冠甚盛恭惟某紫垣魁宿薄海僞人有天地有君臣造大学中庸之道言文章言政事登承明侍从之班妙年歴歴于清华敏手恢恢于繁剧天当平治帝曰畴咨二千石朱两轡岂薄江东之道院三十钟致一斛适多塞上之军屯心灯相续于大苏烽火不惊于细柳以无双之材气压第一之江山兵食足民信之刀劒尽还于牛犊内外和国福也干戈伋裹以虎皮遄归紫橐之聯徑陟黄扉之拜某蜚刍无补蠹粟滋惭曾游北固之楼台自笑东华之尘土耸闻异数敢叙同寅天下称呉窃晞踪于循吏军中有范仍拭目于肤公賛抃俱深敷刊罔究

代贺瀾西提刑魏少监

某恭审遴简筭班分持綉节日甸服五百里臣惟命之东西谓国用三十年楮与时而高下临遣授变通之防称提增举刺之权星驾有行泉流无壅恭惟某襟期掀豁风范温凝迺事父遼事君深雅颂四诗之教上治内下治外洞军戎万里之情影纓歴簪于鹓鸾除器且专于兰锜高折广寒之桂载赓闻喜之诗白玉为堂演纶有待黄金如土救币莫前小烦汉使之咨諏立见周家之殷富直天子图书之府未隔清光空庶人刑狱之牢式符明指亟被膝前之召益崇肺腑之亲某畴昨侍朝于今聯治歴歴游从之欸依依离索之怀 扬之粃糠在前敢忆憩堂之旧臭味也草木于我毋忘海药之忠賛系欲言剪裁莫究

代贺史侍郎知平江兼提举

某恭审防荣魏阙移镇呉门簞节风生继袞衣之先躅雕堂昼永赓画防之清吟台府并新吏民交庆恭惟某神姿凝粹德防恢洪八叶名家亲宝相门之笏一经教子密传道学之灯方当文度居膝上之时尽得陈平宰天下之説论思益峻培养加深水断蛟陆剗犀出神锋于宝匣前鞭鸾后棹凤骋逸驾于华涂频分半竹之符久报嘉禾之政充仁心于父母凜清操于冰霜童子中和之歌转闻而上公卿选表之用盍归乎来帝念姑苏之民地大扶风之郡迎送疲于数易抚摩庶其少苏双旌启藩万物吐气摘山煮海不妨拜使者之防听履持衡即入侍玉皇之案某登畿最晚谫隰何堪梦欲断于朝鸡技且穷于鼯鼠幸光华之密迹均防赖之扶疎同官为寮敢附甘泉之新法国士待我定从东阁之旧人賛倚有怀敷誉罔既

代喜雪贺宰执

伏以四时成歳冬且至以阳生一德享天云亟同而雨雪乾坤益瑞海宇均欢恭惟某密运大钧力凝和气攷金穰之占野闵铁甲之屯边谓宿麦连云欲仍驱于厉鬼则飞花剪水必严飭于 防凑綉纹一线之添庆瑶陛六霰之集某繆共漕转与覩休祥嘉颖归周端叶丰年之梦潜枚防蔡嗣听捷书之音

代冬至节贺秀王

某伏以汉得天统历方衍于万年冬亚歲朝阳果来于七日伟磐宗之元老庸川至之嘉祥恭惟某德莹水壶望高璿柄王曰叔父大开茅土之封天与善人端介椿松之寿对绣纹之添线奉丝络之送珍某问俗在原庇寒知夏木牛流马曷被军纆之温玉带垂鱼只仰御床之近

代冬至贺平江史侍郎

某伏以凤阙书云协缇葭而应候虎丘擎雪映麾节以生光顺临刚长之辰缤集大来之福恭惟某清风肃吏爱日宜民东阁吟梅犹记调羹之味紫宸鸣玉巍通候对之班行矣赐环从而问笏某咨諏何补芘覆居多巷陌张灯忆旧游于大府殿庭称庆迎新渥于脩门

代回庆元守贺冬

伏谓鲁观书云动葭灰而应候鄞楼擎雪照茸纛以生光顺临刚长之辰缤集大来之福恭惟某清风肃吏爱日宜民东阁梅开续冲寒于山意西湖水合怀倚月于栏干伫颁黄霸之金归佩紫宸之玉某咨諏何补芘覆居多朝路随君空忆琼瑶之迹新堂领客犹闻丝竹之音贊仰有忱敷刊罔究

代回嘉兴守贺冬

伏以凤阁书云验微阳于玉琯鸳湖飞雪照瑞彩于牙旗顺临刚长之辰缤集大来之福恭惟某半符易牧五袴兴歌近尺五之天境因人而增重占丈三之景政与节以俱新稍陈履袜之仪归遂坝簪之乐巍登文石密侍甘泉某諏度无堪芘依有素华防聒乐喜闻叶气之回异亩产禾更上丰年之奏其于颂贊罔究敷誉

代临安倅章谢宰执

伏以岩邑字民仅逃官谤神臯列倅遽忝恩除惟地近而格高愧人微而资浅鸿钧所播泛轼奚堪窃谓天府之贰副车号称小尹钱塘之一都防密拱大廷置员或过于三防通决实闕于庶务蓋弹压輶轂以佐而长非平分风月以夸诸人遠若熙宁坡老居于是席近而嘉定諫臣出于此涂顾事任之不轻必材能而后称伏念某清苕晚进小草微踪插架书多敢堕綺紈之习堆床笏少居怀弓治之羞一同遠试于瓯闽三载偶沈于桴鼓初无政最何有言扬全璧东归爰索长安之米扫门上谒冒陈光范之书纵治中六百石犹阶而可升如城南尺五天则梦所不到赖提挈之力大防造化之功深日往月来母多侍从朝登夕至真如便家非惟抚鹄鵠之原得海孤而治葬抑少憩鸡豚之社容息蹇以磨铅当此饶逾若为报塞兹蓋恭遇某八荒开域一柱擎天萧也防曹也随歷歷奋庸而熙載房之谋杜之断惓惓修政以尊王器名每谨于繁纓人物率归于夹袋有如块鑛均沐埏镕某敢不佩服隆私持循先训庶题輿而佐岳稍结绶以登畿展驥何为听槐街之鞭防登龙甚幸厠材馆之簪裾誓毕微生仰訓厚德

代回沿海制置赵都承

某恭审敛谟宥密进撰凝严谋帅谁先汉臣无出谊之右在师中吉周公其主陝之东辞玉陞而有行合天朝而交庆恭惟某胸蟠万卷笔倒三江自其少年早负台阁之望安于平进歷更麾节之劳当朝廷救楮之时应君子拔茅之象密勿百寮之上周旋二柄之间过政事堂丞相每改容而听用春秋法史臣仍载笔而书方将登法从簪橐之班相与定匈奴金缯之议若时古鄆有事春搜校六步七步之愆士辄哗而失伍膺再命三命之宠公甚壮而临藩前茅戒严细柳改色亲授青防之钺闲围别墅之碁昌黎入廷奏之军信儿郎之帖服光弼代子仪之将见旗帜之精明亟听褒嘉归陪论献某侍朝甚幸将漕无堪政依枢柄之余辉拟预月楼之清集况朱轡之出镇欣紫绶之增华羈懷窃感于别离盛礼敢当于骈俪着鞭先我自怜骨相之屯折柳送君賸祝功名之防襟期所共心画奚殫

代回严州卫守

恭审作命典藩简辰植纛书登金匱密聯东壁之辉车拥朱旛高压客星之次叔度之来何暮文正之宗有光恭惟某学富邳籤姿凝昆玉俨若思母不敬威仪素习于三千进乎道恢有余肯綮蚤经于十二振伯仲埏篴之誉擅春秋兰菊之芳宜在朝廷乃更州县遡牙樯于清瀨森檠防于上游田庐间苦于白催帑廩颇从而赤立规模自我必易局以置碁手段过人尽无虧而作饼稍修数月之令亟腾五袴之歌入为公卿净洗兵甲某使华曷称王事徒劳镜中之髮既星江头之潮如屋政拟擘牋而贺上遽防惠翰之来前忆千骑之过都仅一觴而临水观风几左长哦结辈参错之诗假道棠陰行遂渊明归来之兴报襄弗恪瞻向加厯

代回安吉州赵监丞

恭审选贤班綴分牧京畿得结辈十数人荣佩银菟之印封姬姓八百国清占水精之宫下车有初比屋相庆恭惟某行高天揖量大渊淳博洽多闻映太一青藜之杖风流自命披谪仙紫绮之裘人知直上以干霄我则徐行而按轡既飞鳧而展骥载骑马以听鸡禁禽东床饱观奇士判花西掖盍列从臣肯槃薄于一麾试招徕于六客吏事绰然余地歌谣霭其近天燕寝凝香仁报龚黄之政都堂并席定追富晏之踪某漕转无堪知怜有素忆从容而叩阁欣振厉以开藩不因过客而饰厨岂复追胥之打户设施强人意信知于此不凡骈俪遗我书似亦未能免俗占訓甚率驰仰徒勤

代回常州卫寺丞

恭审改符作牧缩戍之官衡岳云开勿膏车而秣马荆溪月满真泛宅以浮家条教一孚歌谣四达恭惟某金籀学富玉海文深不踏丹梯一第特恩子耳争麾翠轂万钟何有我哉典章淹贯于胷中政事笑谈于笔底翩翩駮歷蕩蕩声称就零陵山水之乡周爰咨度作平泉花木之梦蚤赋归来上笃念于世家公出临于隣郡山无贡锡坐凝燕寝之香驿有赐环入试糜丸之墨某星轺曷称霜髯堪惊政懷旷败之虞乃侈寅恭之幸浴乎沂与曾子賸思石浦之琴书瞻彼淇美卫公勉继沙堤之衣鉢貽笈首及报染奚殫

代回新嘉兴守余监丞

恭审用传出關分符作守在春秋为橋李雅推地望之雄辅京兆曰扶风未觉天光之遠先声易达生意顿回恭惟某标致蓬萊兮閩风器质黄钟而大吕胷中书传皆尊主芘民之方堂上精神得富国强兵之要谓升高而自下既歷外以居中余不负丞君子式严于戎器仲难为弟少公盍列于政涂肯槃薄而佩綬乃怡愉而戏防帝念阜陵潜龙之所民罹泰山猛虎之苛出命维新改轅自近驾湖棹稳何异探苏隄之梅凤沼诗来还胜梦谢池之草稍报抚摩之最遄归选表之班某漕转罔功芘依知幸衒袖忽貽于骈制裘巾惟谨于珍藏见尔送人殆取揶揄之笑转而闻上伫传宣布之歌賛僉实厯稟訓莫罄

代回江陰王守

伏审分符作守宅甸服以惟良便道之官过帝關而不入特厯书素險想车音恭惟某源流雄奇被服温洁是父是子早竞茁于兰芽其人其天今独存于华萼维志澹而不躁虽徐步而自高既卧黄防洊凭緹轼柯山基散访一斧之仙踪申水波澄应三刀之佳梦曷云不敌于壮县足堪爱养于细民小试蕃宣急看选表某驱驰已勸蜚挽何堪律宜黜而乃升身欲归而复驻鲜于非骏敢称一漕之福星益部有襄及听三章之童子占訓良率驰仰徒勤

代回温州赵少监

恭审涂芝作诰列防专城二千石起家分左符于汉殿八百国同姓辅东屏于周藩来暮有歌和衷甚幸恭惟某行高天揖量大渊淳博洽多闻太一下青藜之杖风流自命谪仙披紫绮之裘恢恢政事之科歷歷功名之防既飞鳧而展骥即骑马以听鸡学宰相居都司结绶歷更于二府以君子除戎器褰裳薄近于千岩兰亭之乐未央宣室之恩深切相攸翠簪驾彼朱轡无叹愁声小借慈祥之父母有治理效遄归选表之公卿某莫称班行猥供漕转厌簿书之尘土梦松菊之田园一鹤随公喜流传于新政双鱼遗我愧先辱于华牋未以罪行庶其忠告

代回知台州李监簿

恭审城专左辅星直中台竹马填郊除道欢迎于新守木牛供粟同寮解后于故人想见部封便安条教恭惟某根蟠仙李响振天钧论议长江袞袞流而不尽剗裁游刃恢恢地而有余惟温良恭逊熟以持身故安静和平见诸行事薄味监州之蟹亟听待漏之鸡章满公车类朝奏而暮下军多戎器爰内修而外攘聚精防神甫尔在廷更治考功于焉请郡驾言皂蓋陟彼丹丘未庸庭户之令修顿觉闾閻之疾愈天非难而穀熟城不没而江平五百茗花聊具石桥之供三千牋草遍归金马之班某将指何堪思归未遂每忆侍朝之款殊恨定交之迟俶兹寅恭幸甚防赖课民二母僉知賸布于中和遗我双鲤鱼愧难胜于骈俪为报草草有怀卷卷

代回婺州陈中郎

恭审寓直宸奎承流宝婺青藜吾物弄印讵以畀尧紫马君来骑竹缤其迎俶鼎传初令幸获为寮恭惟某学博而文宏道醇而德备一麟独出土知韩愈之可师三凤齐飞人惜刘蕡之不第歷江淮之两郡安丘壑者累年何自为郎庶几谋国菊犹存于苕雪舟辄引于蓬莱维明月之双溪冠扶风之三辅桐乡爱我尝鸣支邑之琴渤海劝农聊听谯楼之角寻丽泽诗书之化访叱石神仙之踪伫拥锋车径登荷橐某缪供漕挽何取咨諏粉省分曹尚忆侍朝之喜黄堂报政侧闻乐职之歌方上日之戒期乃后时而言贺珍函俯逮华施难酬

代回建昌张通判

恭审防恩汉殿通守江城为氓而遠一防阻郊迎于别驾呼童而获尺素辱邮置于都门逾占布置之新可卜康功之效恭惟某诗书正脉名节故家为帝王师谈笑取老人之履得江山助宜时称大手之词凡所居官绰然余裕高则建封之授钺小犹万福之麾舟当国事之孔殷盍人材之杰出何其计左聊尔治中作麻源三谷之游麒麟擗脯踵文昌八座之美鹓鹭催班某不移其愚奚适于用驰隰未离于魏阙捍隄良苦于胥涛爰念母以丐麾乃戴天而闕允维桑梓恭敬止徒懷忉忉之心存松菊归来兮终乐寬闲之野偶稽庆幅尚请诲言

代回林提管

伏以汉使乘轺猥将隆指鄱宾入幕首屈英游糟丘之职徒以劳人苹洲之隼乃肯从我瞻言一苇辱此双鱼恭惟某天材素高吏业滋敏叠奏种桃之最拟为樵李之游谓太微二十五星盍褰华于郎省如长安十千一斗姑振领于兵厨稍展修能亟跻要列某莫称观风之寄粗有庆贤之心故人斯来何事弗集庶同出袖间之手岂徒流地上之钱继西湖赋梅花尽有余暇比南丰持香瓣则似过情占报不臻晤言以罄

代回临安刘通判

伏以我来君去莫留画幕之贤德举言扬少见恋袍之意高文有赋私谢何为伏惟某丹穴产奇紫荆争秀双鳧游戏早收墨绶之勲孤鹜登临曾续珠帘之句简拔既居于小尹班聯行趣于大昕某老矣临戎幸而集事忆家山之荔子已趣归装寄江驿之梅花毋忘宿契暑宜防重日听褒迁

代回兴国罗知军

自天子所用更治以专城与父老言知阻饥于垫水寬条俶布生意俱回伏惟某绰有父风歷收吏最从军油幕惯聯慷慨之诗借地玉阶屡吐峥嵘之论睠富川之为郡汇众泽以横流未苏鱼鳖之民况宿貔貅之戍上心所属敏手攸资人活青州亲樵山而輦粟图开赤县同备械以修车某雪去霜还心疲形瘁得结辈参错部内何幸防成容少游欸段里中已坚归计

代回苏参议

帝简儒纓出自黄间之派官居议幕来看画栋之云有惠书函足占僚契伏惟某温良有守恬
暇无营乃奏最于弦歌肯赋闲于香火郊垌可出屈工部于劔南境土未还致匈奴于阙下有
谋则就不约而同某偶幸旅旋已坚祠请视小丑以鼠子何谓功多遇少公之桐孙庶窥文献
解严甫定襄报殊踈

代谢赵提刑举状

五位合乎天数冒干霜斧之威一字华于袞袞亟使露车之奏取之自远闻者皆惊极感琢于
肺腑畧敷刊于笔墨窃谓宦路每拘于选调举员尤重于职司并四者难尚鶚炙求而弗获制
一以待犹龙睛防则便飞此下寮切于归投而崇台乐于成就伏念某蕞然小子缚以微官清
江碧嶂素号富冈绿水红莲今为苦海旱蝗相踵田间多菜色之民余餽孔艰庭下少鴈行之
吏方孜孜于职守遑汲汲于身谋箭一失则废前功姑穿杨而进步丹九还而换凡骨因砥鼎
以垂涎春光才动于郁孤宝相遂圆于宰堵顽防坐井何有粹明愚鲁面墙若为闾敏责粗逃
于官谤能曷取于民称獎假过优揣摩增愧兹蓋恭遇某材堪柱石身在江湖以道相传续千
载圣人之脉得情勿喜尽一成君子之心居礼乐而有光知贤材而必举顾如孱琐莫称搜扬
某敢不励志公廉訓恩特达气象彷彿杏雩之乐声华薰桂籍之香庶几报座主于门防抑以见
先君于地下岂他人不如同姓毛原幸得以宗周母尔音而有遐心籍湜敢从而叛愈丹局所
向皦日斯临

代谢皮右丞相

慈恩托契上台记夹袋之名模范移书下幙被绣衣之荐开云霄于万里收桃李于一门恩重
命轻感深涕集窃谓选人唯班改是务举主最职司为严并四者难尽连贯虎侯之札缺一以
待必勇夺龙舟之标非金刚杵有以摄持则玉女盆何缘挂到不先不后如取如携伏念某朴
微芟驾骀蹇步泛莲依水初微画诺之能食蘂饮水第谨律身之戒望七阶而勃宰绕三树
以彷徨同年岂无情特荷老端明之垂睠他日又独立仍防大丞相之兴怜方红旗踏报于捷
书正防服亲浮于寿斚念郗氏一枝之桂下郇公五朶之云何德以堪其应犹响兹蓋恭遇某
上医扶国钜栋擎天魏公自督视而归君臣相說汾阳居令公之位父母俱存精神防于一堂
威棱懍乎四裔坚黄河如带之约续丰水有 之诗材无细大悉以作成官若中外从而器使
故令合颖乐以转钧某敢不恪秉素心仰訓大造观遠臣以所主不离父子兄弟之间报国士
以众人即受天地鬼神之譴指纵唯命赴踏奚辞

代赵金判贺宣召

应制非才久断藜灯之梦趣归有旨仍霑桦烛之香顾董辖之方新欲循墙而不可靖惟忝窃
实出吹飈未控谢簞箠车先辱赠锦绣段因俚篇之从防重行计之趑趄非關人去而山轻宁
免林惭而涧愧虽夜对莫分于莲炬然春光久泄于柳条朕不弃卿敢诵北阙隱庐之句公如
送客请续南浦绿波之诗更借言于开陈庶以礼而津遣举莫废也爰则助之略此稟酬嗣图
侍罄

与赵丞辞漕台月俸

案畔掌书浪夸仙秩幙中草檄偶继芳尘槩铅徒弊于精魂印绶亟还于肺腑类无耕而用马敢不猎以悬鹑遣祝甚勤控免难已葢始因疾谗待来年然后损之若仍以俸言则今日之受非也宁甘却长者之赐是粗守顽夫之廉善为我辞无出公右奢华歳节既沾沽酒之十千特达言终觅买山之百万容听响卜别拜隆颁

回王象先惠诗

高士不为猥厘官务德公寡出谨执师丧及兹三退而强留乃辱两章而言贺自量衰繆莫称褒期维其因用药而识君臣故不废伐木以全朋友吾二人在耳想无下石之言臣百口保之尽有住山之日少安勿躁薄责尤宜

回赤城观熊书记

效茅仙戏赤城夙窥英躅从子云问竒字忽枉高轩袖衔偶俪之文屐折空虚之喜某厌随举子亲续宜僚薰胷中书传之香领物外烟霞之趣文章一伎漫游艺于笔端道德二经素濡涵于舌本得时则驾而月斯征某勸矣欲休归与遂赋金玉有定价慚非识宝之人风云入壮怀宜择立身之地矧当年少政要书多

谢聂秀才贄见

虚檐晒日政搔老子之二毛满座生风喜见秀才之三耳辱赠我锦绣段知同饮玻璃江久客边淮干戈未定乍归郷井松菊犹存何至遽啼饥而号寒要不害安贫而守约吾无隠尔难持岭上之白云君其图之自有书中之金屋居慚地主聊酌乡人